




類函 百五二



三百三三 涼邑 三百三四 州郡 三百三

加3
427
152



冊 4 8
册
卷



新念圖書

此係明治八年八月廿一日
所購諸田一人
以贈資

早稻田書圖印

淵鑑類函卷三百三十三

京邑部二

京邑

京邑五

原賦漢揚雄蜀都賦曰蜀都之地古曰梁州禹治其江
溥皋彌望鬱乎青蔥丹鳳青龍石鱗水螭於近則有瑕
英菌芝玉石江珠於遠則有銀鉛錫碧馬犀象棘西有
鹽泉鐵冶橘林銅陵其傍則有期牛兕旄金馬碧雞其
竹則宗生族攢俊茂豐美夾江緣山尋卒而起其深則
有獼獼沈鱣水豹蛟蛇其都門二九四百餘閭兩江飾
其市九橋帶其流苴竹浮流龜鼈磧石風胎雨殼衆物

駭目百華投春隆隱芳芬螭燭若揮錦布繡望芒芒兮
無幅其布則笳中黃潤一端數金雕鏤鉛器百技千工
乃使有伊之徒調夫五味甘甜之和勺藥之羹江東鮑
鮑隴西牛羊五肉七菜勝厭腥臊若其吉日嘉會期於
□□倍春之陰迎夏之陽置酒於滎川之間宅設坐於
華都之高堂延帷揚幕接帳連岡鄰公之徒相與如平
陽頴臣沼羅車百乘期會投宿觀者方隄行舟競逐也
後漢班固西都賦曰漢之西都在乎雍州左據函谷
二嶠之阻表以終南太華之山右界褒斜隴首之險帶
以洪河涇渭之川披三條之廣路立十二之通門英俊

之域絳冕所興冠蓋如雲七相五公其陽則崇山隱天
幽林穹谷陸海珍藏藍田美玉其陰則冠以九峻陪以
甘泉下有鄭白之沃衣食之源提封五萬疆場綺分溝
塍刻鏤原隰龍鱗決渠降雨荷鍤成雲離宮別館神池
靈沼其中乃有九真之麟大宛之馬黃支之犀條枝之
鳥其宮室也體象乎天地經緯乎陰陽樹中天之華闕
豐冠山之朱堂因瓌材而究奇抗應龍之虹梁列焚燎
以布翼荷棟榑而高驤雕玉瑱以居楹裁金璧以飾墻
左城倉勒反階級也右平重軒三階闈房周通門闈洞開列鐘
虞於中庭立金人於端闈增盤崔嵬登降炤爛殊形詭

制每各異觀乘茵步輦唯所息宴後宮則有掖庭椒房
后妃之室苴若椒風披香發越蘭林蕙草鴛鴦飛翔之
列昭陽特盛隆於孝成隨侯明月錯落其間金釭銜璧
是為列錢翡翠火齊流耀含英珊瑚碧樹周阿而生後
宮之號十有四位窈窕繁華更盛送貴又有天祿石渠
典籍之府講論乎六藝稽合乎異同周以鈞陳之位衛
以嚴更之署周廡千列徼道綺錯輦路經營脩除飛閣
陵燈道而超西墻混建章而連外屬神明臺名鬱其特
起遂偃蹇而上躋軼雲雨於太半虹蜺迴帶於焚楣攀
井幹而未半日眩轉而意迷靈草冬華神木叢生抗仙

掌以承露擢雙立之金莖爾乃盛娛遊之壯觀耀威靈
而講武事命荊州使起鳥詔梁野而驅獸毛羣內填飛
羽上覆列卒周匝星羅雲布矢不單殺中必疊雙風毛
雨血灑野蔽天於是天子乃登屬玉之館歷長楊上林也
之榭陳輕騎以行魚騰酒車以斟酌割鮮野食舉烽命
爵大輅鳴鑾容與徘徊集乎豫章之宇臨乎昆明之池
左牽牛而右織女似雲漢之無涯茂樹蔭蔚芳草被隄
若綺錦與布繡燭耀乎其陂元鶴白鷺鳧鷖鴻鴈浮沈
往來雲集霧散都都相望邑邑相屬國藉十世之基家
承百年之業 又東都賦曰王莽作逆漢祚中缺於是

聖皇握乾符闢坤珍披皇圖稽帝文赫然發憤應若興
雲遂超大河跨北嶽立號高邑建都河洛系唐統接漢
緒茂育羣生恢復疆宇若乃順時節而蒐狩簡車徒以
講武歷騶虞覽駟職嘉車攻采吉日禮官整儀乘輿乃
出於是發鯨魚鏗華鐘登玉輅乘時龍元戎竟野戈鋌
彗雲羽毛埽霓旌旗拂天然後舉烽伐鼓申令三驅輕
車霆激驍騎電驚指顧倏忽獲車已實樂不極般殺不
盡物於是薦三犧效五牲禮神祇懷百靈覲明堂臨辟
雍登靈臺考休徵列百僚而贊羣后究皇儀而展帝容
明堂詩曰於昭明堂明堂孔陽聖皇宗祀穆穆煌煌辟

雍詩曰乃流辟雍辟雍湯湯聖皇莅止造舟爲梁靈臺
詩曰三光宣精五行布序習習祥風祁祁甘雨寶鼎詩
曰岳修貢兮川效珍吐金景兮歆浮雲寶鼎見兮色紛
紜煥其炳兮被龍文白雉詩曰啓靈篇兮披瑞圖獲白
雉兮效素鳥嘉祥阜兮集皇都張衡南都賦曰於顯
樂都旣麗且康陪京之南居漢之陽割周楚之豐壤跨
荆豫而爲疆體爽塏以開敞紛郁郁其難詳爾其地勢
則武關關其西桐柏揭其東流滄浪而爲隍廓方城而
爲墉湯谷涌其後清水蕩其胸推淮引湍三方是通其
寶利珍怪則金采玉璞隋珠夜光太乙餘糧中黃鼓玉

松子神陂赤靈解角耕父揚光於清冷之泉游女弄珠
於漢皋之曲其水蟲則有蠓龜鳴蛇潛龍伏螭其鳥則
有鴛鴦鵠鷺鴻鵠鴛鴦和鳴澹澹隨波其香草則
有薜荔蕙若薜蘿蓀菰曖菴蔚含芬吐芳酒則九醞
甘醴十旬兼清醪敷徑寸浮蟻若萍其甘不爽醉而不
醒獻酬既交率禮無違彈琴擷籥流風徘徊於是暮春
之禊元巳之辰方軌齊軫被於陽濱朱帷連網曜野映
雲脩袖繚繞而滿庭羅襪躡蹠而容與翩綿綿其若絕
眩將墜而復舉於是羣士放逐馳乎沙場俯貫魴鱖仰
落雙鷓魚不及竄鳥不暇翔車雷震而風厲馬鹿超而

龍驤夕暮言歸其樂難忘 又西京賦曰有憑虛公子

者無此公子但言於安處先生曰亦無此秦據雍而強

周即豫而弱高祖都西而秦光武處東而約先生獨不

見西京之事歟漢氏初都在渭之涘秦里其朔是為咸

陽里居朔北也高帝左有嶠函重險桃林之塞綴以二

華巨靈負高掌遠蹠以流河曲厥迹猶存右有隴坻

之隘隔閼華戎岐梁岍雍皆山陳寶鳴鷄在焉於前則

終南太乙隆嶠崔嵬隱嶺鬱律連岡乎蟠冢爰有藍田

珍玉是之自出於後則高陵平原據渭踞涇其遠則有

九峻甘泉涸陰沍寒日北至而含凍此焉清暑實為地

之奧區神皋昔者大帝悅秦穆公而觀之饗以鈞天廣
樂帝有醉焉乃為金策錫用此土而剪諸鶉首自我高
祖之始入也乃覽秦制跨周法正紫宮於未央表堯闕
於閭闔疏龍首以抗殿狀鬼豸以岌葉蒂倒茄於藻井
披紅葩之狎獵飾華榱與璧璫流景曜之曄曄雕楹玉
碣繡栴雲楣三階重軒鏤檻文槐右平左城青瑣丹墀
仰福帝居陽曜陰藏洪鐘萬鈞猛虜越越負箭業而餘
怒乃奮翅而騰驤若夫長年神仙宣室玉堂麒麟朱鳥
龍興含章正殿路寢用朝羣辟嘉木樹庭芳草如積高
門有閤列坐金狄秦時長狄見於臨洮鑄銅作其象後宮則昭陽飛翔

增成合歡蘭林披香鳳凰鴛鴦

皆後宮殿名

故其館室次舍

采飾織縵裛以藻繡文以朱綠翡翠火齊絡以美玉流
懸黎之夜光綴隋珠以為燭於是鈞陳之外閣道穹隆
屬長樂與明光徑北通乎桂宮恣意所幸下輦成燕窮
年忘歸猶不能徧視音脉往昔之遺館獲林光於秦餘處
甘泉而爽塏乃隆崇而弘敷既新作於迎風增露寒與
儲胥通天眇以竦峙徑百常而莖擢翔鷗仰而勿逮况
青鳥與黃雀伏櫺檻而俯聽聞雷霆之相激柏梁既災
越巫陳方建章是經用厭火祥圜闕竦以造天若雙碣
之相望鳳騫翥於薨標咸朔風而欲翔干雲霧而上達

狀亭亭以峇峇神明崛其特起并幹疊而百增上飛闡
而仰眺正觀瑤光與玉繩列瀛洲與方丈夾蓬萊而駢
羅長風激於別島起洪濤而揚波海若游於元渚鯨魚
失流而蹉跎立脩莖之仙掌承雲表之清露屑瓊蕊以
朝餐必性命之可度爾乃廓開九市通闡帶闐旗亭五
重俯察百隧列肆也上林禁苑跨谷彌阜東至鼎湖斜界
細柳掩長楊而聯五柞繞黃山而款牛首乃有昆明靈
沼黑水元汜周以金堤樹以柳杞豫章珍館揭焉中峙
牽牛立其左織女處其右日月於是乎出入象扶桑與
蒙汜其魚則鮪鯢鱮修額短頤大口折鼻詭類殊種

鳥則鸛鵲鴟鴞鴛鴦鴻鸚南翔衡陽北棲鴈門於是孟
冬作陰寒風肅殺雨雪飄飄冰霜慘烈天子乃駕雕軫
六駿駁戴翠帽倚金較華蓋承辰天畢前驅千乘雷動
萬騎龍趨縱獵徒赴長莽迺卒清候武士赫怒河渭為
之波盪吳岳為之阨堵百禽悽遽騃瞿奔觸喪精亡魂
失歸志趨矢不虛捨鋌不苟躍當足見踉值輪被轢乃
使迅羽輕足尋景追括鳥不暇舉獸不得發青駮擊於
鞞下韓盧噬於縲末於是鳥獸殫目觀窮遷延邪睨集
乎長楊之宮酒車酌醴方駕授饗升觴舉燧既醕鳴鐘
僮佯乎五柞之館旋憩乎昆明之池浮鷁首翳雲芝垂

翟葆建羽旗齊棗女縱棹歌奏淮南度陽阿大駕幸乎
平樂張甲乙而襲翠被臨迴望之廣場程角觝之妙戲
烏獲扛鼎都盧尋橦衝狹燕濯胸突銛鋒跳丸劔之揮
霍走索上而相逢度曲未終雲起雪飛巨獸百尋是為
蔓延神山崔嵬歟從背見白象行孕垂鼻麟困海鱗變
而成龍狀蜿蜿以蝟蝟於云反含利怪獸颯颯化為仙
車驪駕四鹿芝蓋九葩奇幻倏忽易貌分形石刀吐火
雲霧杳冥畫地成川流渭通涇百馬同轡騁足並馳撞
末之妓態不可彌秘舞更奏妙材騁伎始徐進而羸形
似不任乎羅綺紛縱體而迅赴若驚鶴之羣羸要紹脩

態麗服颺菁昭邈流盼一顧傾城列爵十四競媚取榮
盛衰無常唯愛所丁衛后興於鬢髮飛燕寵於體輕
又東京賦曰是時也七雄並爭競相高以奢麗楚築章
華於前趙建叢臺於後秦政利甯長距終得擅場思專
其侈以莫已若也乃構阿房起甘泉結雲閣觀南山百
姓不能忍是用息肩於大漢高祖膺籙受圖順天行誅
掃項軍於垓下繼子嬰於軹途因秦宮室據其府庫且
夫天子有道守在海外守位以仁不恃隘害秦負阻於
二關卒開項而受沛彼偏據而規小豈若宅中而圖大
昔先王之經邑也掩觀九隩靡地不營土圭測影不縮

不盈總風雨之所交然後以建王城審曲面勢沂洛背
河左伊右瀍西阻九河盟津達其後大谷通其前迴行
道乎伊闕斜徑捷乎輜轅太室作鎮揭以熊耳底柱輟
流鐔以太坏漢初弗之宅也故宗緒中圯巨猾間釁竊
弄神器歷載三六偷安天位我世祖念之乃龍飛白水
鳳翔參墟授鉞四七共工是除區宇又寧思和求中睿
哲元覽都茲洛宮逮至顯宗六合殷昌既新崇德遂作
德陽昭仁惠於崇賢抗義聲於金商建象魏之兩觀旌
六典之舊章濯龍芳林九谷八谿芙蓉覆水秋蘭被涯
永安離宮修竹冬青陰池幽流元泉冽清鴨鷓秋棲鶻

鷓春鳴鴟鳩鷓黃關關嚶嚶於南則前殿靈臺和權安
福諺門曲榭斜阻城洳奇樹珍果鉤盾所職於東則洪
池清蘊涿水澹澹內阜川禽外豐葭菼其西則平樂都
場示遠之觀龍雀蟠蜿天馬半漢乃營三宮布政頒常
複廟重屋於斯胥泊龍輅充庭雲旗拂霓夏正三朝廷
燎晰晰章列反春日載陽合射辟雍設業設虞宮懸金鏞
鼓音路鼓音桃樹羽幢幢張大侯制五正設三音扉音
司旌天子乃撫玉輅時乘六龍發鯨魚鏗華鐘攝提運
衡徐至於射宮禮事展樂物具王夏闋騶虞奏決拾既
飲彫弓斯鼓音反音達餘萌於暮春昭誠心以遠喻三農

之隙耀威中原歲惟仲冬大闕西園乃馭小戎撫輕軒
戈矛若林牙旗繽紛迄乎上林結徒爲營敘和樹表司
鐸授鉦坐作進退節以軍聲火烈具舉武士星敷鶴鶴
魚麗箕張翼舒馭不詭過射不翦毛升獻六禽時膳四
膏成禮三驅解罟放麟不窮樂以訓儉不殫物以昭仁
爾乃卒歲大饗驅除羣癘振子萬童丹首元製桃弧棘
矢所發無臬飛礮雨散剛瘳必斃煌火馳而星流逐赤
疫於四裔 傳毅洛都賦曰惟漢元之運會世祖受命
而弭亂體神武之聖姿握天人之契贊尋往代之規兆
仍險塞之自然被崑崙之洪流據伊洛之雙川挾成皋

之嚴阻扶二嶠之崇山分畫經緯開正塗軌序立廟桃
面朝後市歎息起雰霧奮袂生風雨覽正殿之體制承
日月之皓精騁流星於突陋追歸鴈於軒軫帶螭龍之
疏鏤垂菡萏之敷榮顧濯龍之臺觀望永安之園藪渟
清沼以泛舟浮翠蚪與元武桑宮闕館區制有規后帥
九嬪躬敕工女近則明堂辟雍靈臺之列宗祀揚化雲
物是察其後則有長岡芒阜屬以首山通谷吸呵石瀨
寒泉於是乘輿鳴和按節發軔列翠蓋方龍輶備五路
之時副檻三辰之旗游傳說作僕義和奉時千乘雷駭
萬騎星鋪絡繹相屬揮沫揚鑣羣仙列於中庭發魚龍

之巨偉羨門拊鼓偃佺操麾講武農隙校獵因田搜幽
林以集禽激通川以御獸跨乘黃射遊麋弦不虛控目
不徒睇解腋分心應箭殪夷然後弭節容與涿水之濱
垂芳餌於清流出旋瀨之潛鱗 杜篤論都賦曰天命
有聖託之大漢大漢開基高祖有勳斬白蛇屯黑雲蹈
滄海跨崑崙劉敬建策初都長安太宗承流守之以文
孝武因其餘財府帑之蓄深入匈奴割裂王庭連緩耳
鎖雕題摧天竺挈象犀沃野千里原隰彌望保植五穀
桑麻條暢濱據南山帶以涇渭號曰陸海蠡生萬類城
池百尺阨塞要害一人奮戟三軍沮敗於時聖帝赫然

申威南擒公孫北脅強胡西平隴冀東據洛都今天下
新定矢石之勤始瘳未遑於論都而遺思雍州 崔駰
反都賦曰漢歷中絕京師爲墟光武受命始遷洛都客
有陳西土之富云洛邑褊小故略陳禍敗之機不在險
也建武龍興奮旅西驅虜赤眉討高胡斬銅馬破骨都
收翡翠之駕據天下之圖上帝受命將昭其烈潛龍初
九真人乃發上貫紫微徘徊天闕握狼狐蹈參伐陶以
乾坤始分日月觀三代之餘烈察殷夏之遺風背嶠函
之固即周洛之中興四郊建三雍禪梁父封岱宗 魏
徐幹齊都賦曰齊國實坤德之膏腴而神州之奧府其

川瀆則洪河洋洋發源崑崙驚波沛厲浮沫揚奔南望
無垠北顧無鄂蒹葭蒼蒼莞菰沃若瑰禽異鳥羣萃乎
其間帶華蹈縹披紫垂丹應節往來翕習翩翩靈芝生
乎丹石發翠華之煌煌其寶玩則元蛤抱璣駁蚌合璫
構夏殿以宏覆起層榭以高驤龍楹螭楠山岳雲墻其
後宮內庭嬪妾之館衆偉所施極巧窮變然後修龍榜
遊洪池折珊瑚破琉璃日既反而西舍乃反宮而棲遲
歡幸在側便嬖侍隅含清歌以詠志流元眸而微盼竦
長袖以合節紛翩翩其輕迅王乃乘華玉之輅駕元駮
之駿武騎星散鈺鼓雷動旌旗虹亂盈乎靈圃之中於

是羽旌咸興毛羣盡起上敞穹庭下被皋藪 劉楨魯
都賦曰昔大廷氏肇建厥居少昊受命亦都茲焉山則
連岡屬嶺壘峽北紫金揚暉於鴻崖水精潛光乎雲
穴岱宗邈其層秀于氣霧以高越其木則赤楨青松文
莖蕙棠洪幹百圍高徑穹皇竹則填彼山垠陔彌坂域
夏蕩攢包勁條並殖翠實離離鳳凰攸食水產衆夥各
有彛倫頽首華尾豐顛重斲戴兵挾刃盤甲曲鱗且觀
其時謝節移和族綏宗招歡合好肅戒友朋蛾眉清眸
顏若雪霜插曜日之珍筭珥明月之珠璫舞人就列整
飾容華和顏揚眸盼風長歌飄乎焱發身如轉波尋虛

騁迹顧與節和縱脩袖以終曲若奔星之赴河及其素
秋二七天漢指隅民胥被襖國於水游緹帷彌津丹帳
覆洲蓋如飛鶴馬如游魚應門巖巖朱扉含光路殿歸
其隆崇文陛燻其高驥聽訊雷於長除若有聞而復亡
其園囿苑沼駢田接連淶池分浪以帶石垠文瓊隅岸
華玉依津邦乃大狩振揚炎威教民即戎講習興師落
幕包括連結營圍毛羣隕殪羽族殲剥填崎塞畎不可
勝錄 劉劭趙都賦曰且敞邑者固靈州之敞宇而天
下之雄國南則有洪川巨瀆黃水濁河發源積石徑拂
太華灑爲九流入於元波其東則天浪水府百川是鍾

包絡坤維連薄大濛其北則有陶林元壇增冰迓寒其
西則有靈丘平圃邠接崑崙其近則有天井甸注飛壺
太行瑾錯礪硤屬阜連岡龍首嗟峨以岌鬱羊坂崙咽
以岷塘清漳發源濁滏汨越湯泉涪沸洪波漂厲爾乃
都城萬雉百里周迴九衢交錯三門旁開層樓竦閣連
棟結階峙華爵以表薨若翔鳳之將飛正殿儼其造天
朱櫺赫以舒光盤蚪螭之蜿蜒承雄虹之飛梁結雲閣
於南宇立叢臺於少陽及至暮秋涉冬朔風烈寒猛豺
鷲攫鷹隼奮翰國乃講武狩於清原駕騫冥之駿駁抗
沖天之旌旃北連昭餘南屬呼池西盼太陵東結繚河

然後嘆子放機戈矛亂發決斑鬚破文額當手斃僵應
弦倒越爾乃進夫中山名倡襄國妖女狄鞮妙音邯鄲
才舞六八駢羅遞奏迭舉體凌浮雲聲哀激楚其珍玩
服物則崑山美玉元珠曲環輕綃啓繒織纈縠其器
用良馬則六弓四弩綠沈黃間堂磔魚腸丁令角端飛
兔奚斯常驪紫燕豐驪確顛龍身鷓頸目如黃金蘭筋
參精迅躡飛浮軼響追聲若乃至季春元巳辰火熾光
挺新贈往被於水陽朱幕蔽野綵帷連關妖冶呈飾顏
如春英 晉左思蜀都賦曰夫蜀都者蓋兆基於上世
開國於中古廓靈關而爲門包玉壘而爲宇帶二江之

雙流抗我眉之重阻水陸所湊兼六合而交會焉於前
則跨躡捷牂枕倚交趾經途所亘五千餘里於是乎筇
竹綠嶺菌桂臨崖旁挺龍目側生荔枝布綠葉之萋萋
結朱實之離離孔翠羣翔犀象競馳白雉朝雒猩猩夜
啼金馬騁光而絕影碧鷄倏忽而曜儀火井沈熒於幽
泉高閣飛煽於天垂於後則卻背華容北指崑崙緣以
劔閣阻以石門流漢湯湯驚浪雷奔望之天迴即之雲
昏水物殊品鱗介異族或藏蛟螭或隱碧玉其樹則有
木蘭檉桂杞櫛椅桐榭柎幽藹於谷底松柏蒼蔚於山
峰擢脩幹竦長條扇飛雲拂輕霄羲和假道於峻岐陽

鳥迴翼乎高標於東則左綿巴中百濮所充外負銅梁
於右渠內函要害於膏腴丹砂絕熾出其坂蜜房郁毓
被其阜山圖採而得道赤斧服而不朽交讓所植蹲鴟
所伏百藥灌叢寒卉冬馥其中則有青珠黃環碧柝芒
消或豐綠萸或蕃丹椒紅葩紫飾柯葉漸苞敷蕊葳蕤
落英飄飄溝洫脈散疆里綺錯黍稷油油稷稻漠漠指
渠口以為雲門灑漉池而為陸澤爾乃邑居隱軫夾江
傍山家有鹽泉之井戶有橘柚之園百果甲坼異色同
榮朱櫻春熟素柰夏成若乃大火流涼風厲白露凝微
霜結紫梨津潤椹栗罇發蒲桃亂潰石榴競裂晨鳧旦

至候鴈銜蘆木落南翔冰泮北徂雲飛水宿嘒吭胡浪反
清渠其深則有鱣鮪鱒魴鯉鱧魛鱮差鱗次色錦質報
章闢二九之通門畫方軌之廣塗營新宮於爽塏擬承
明而起廬結陽城之延閣飛觀榭乎雲中開高軒以臨
山列綺窗而瞰江內則宣化之闈崇禮之闈華闕雙邈
重門洞開金鋪交映玉題相輝亞以少城接乎其西列
隊百重羅肆巨千賄貨山積纖麗星繁都人士女袿服
靚才性反妝布有桐華麪有桄榔邛竹傳節於大夏之邑
苟醬流味於番禺之鄉闈闈之裏伎巧之家百室離房
機杼相和貝錦斐成濯色江波若夫王孫之屬郤公之

幽茂而玲瓏增岡重阻列真之宇江妃於是往來海童
於是宴語草則藿蒟豆蔻薑彙非一石帆海松東風扶
留布獲皋澤蟬聯陵丘黃緣山岳之岳音幕覓音歷煙江
海之流木則平仲君遷松梓古度楠榴之木相思之樹
宗生高岡族茂幽阜擢本千尋垂蔭萬畝與風飄颺颺
瀏颺颺鳴條律暢飛音響亮蓋象琴箴並奏笙竽俱唱
其竹則篔簹林筴音於桂箭射筒柚梧有篁簟勞有叢苞
筍抽節往往縈結綠葉翠莖冒霜停雪梢雲無以踰懈
谷弗能連鸞鷲食其實鷓鴣擾其間其果則丹橘餘甘
荔枝之林檎榔無柯椰葉無蔭其琛賂則琨瑤之阜銅

錯白鐵也

之垠火齊之寶駭鷄之珍潁丹明璣金華銀朴

紫貝流黃縹碧素玉其荒陬譎詭則有龍穴內蒸雲雨
所儲陵鯉若獸浮石若桴雙則比目片則王餘窮陸飲
木極沈水居泉室潛織而卷綃淵客慷慨而泣珠象耕
鳥耘此之自與煮海為鹽采山鑄錢國稅再熟之稻鄉
貢八蠶之綿造姑蘇之高臺臨四遠而特建帶朝夕之
濬池佩長洲之茂苑闢東山之府則瓌寶溢目觀海陵
之倉則紅粟流行雕鏤鏤音節青瑣丹楹圖以雲氣畫
以僊靈高閣有閨洞門方軌朱闕雙立馳道如砥樹以
青槐亘以淶水桃笙象簟韜於筒中蕉葛升越弱於羅

紂命官師而擁鐸將校獵兮具區吳王乃巾玉輅輶驩
驪羽毛揚旄雄戟耀芒貝冑象弭織文烏章六軍衮服
四騏龍驤猩猩啼而就禽鬻鬻扶弗反笑而被格屠巴蛇
出象骼斬鵬翼掩廣澤結輕舟而競逐迎潮水而振緡
精衛銜石而遇繳文鯨夜飛而觸綸指包山以為期集
洞庭而淹留數軍實乎桂林之苑饗戎旅乎落星之樓
又魏都賦曰魏國先生有醉其容乃盱衡而誥曰异
乎交益之士劔閣雖險險也憑之者蹶洞庭雖濬負之
者北且魏土者畢昂之所應虞夏之餘人先王之桑梓
列聖之遺塵爾其疆域則旁極齊秦結湊冀道開胸殷

衛跨躡燕趙墨井鹽池元滋素液厥田惟中厥壤惟白
思重爻摹大壯覽荀卿采蕭相枌橈復結欒廬疊施丹
梁虹申以並亘朱楠林布而支離綺井列疏以懸帶華
蓮重葩而倒披於前則宣明顯陽順德崇禮重闡洞出
鏘鏘濟濟於後則椒鶴文石永巷壺術楸梓木蘭次舍
甲乙增構峩峩清塵剽剽雲雀躡躡而矯首壯翼摛鏤
於青霄雷雨杳冥於天半曠日籠光於綺寮碩果灌叢
圍木竦尋篁篠懷風蒲萄結陰丹藕凌波而的皪綠芰
汎濤而浸漣羽翮頰鱗介浮沈磴流十二同原異口
蓄為屯雲泄為行雨內則街衢輻輳朱闕結囁石杠杠橋

也飛梁出控漳渠疏通溝以濱路蘿青槐以蔭途 庾
闡揚都賦曰子未聞揚都之巨偉也左滄海右岷山龜
鳥津其落江漢演其源碣金標乎象浦注桐柏乎元川
昔句吳端委延州儷臧高讓殆於庶幾英風亞乎潁陽
土映黃旗之景巒吐紫蓋之祥巖栖赤松之館岫啓縉
雲之堂龍符渙而夏德興羣神萃而玉帛昌也天包龍
軫地奄衡霍元聖所遊陟方所託我皇晉之中興而駿
命是廓靈運啓於中宗天網振其絕絡於是乎源澤浩
潏林阜隱蒼鼓蠡吞江荆牙吐瀨赴三峽之隘洞九川
之會泮五嶺而分流鼓沲潛而碎沛逢渤灣滄潢漾擁

涌驚波霆激駭浪山動東注尾閭呼喻洞庭茫若雲漢
窈若青城其山則重岡峩峩峻嶺噎愕陽侯鱗萃龍濤
綺錯磅礴磊砢鬼危鄙薄旁帶千溪下同萬壑木則灌
以杞梓被以沙棠結根九疑布葉天桂林爲五嶽之苑
材爲八都之府埽飛虹虜陽景拂白雪而增翠凌廣漠
而敷穎竹則簌風籥籥篠簞簞林筴單棘篔簹筴蔚蕭疎
貞條梢風勁節集霧望之猗猗即之倩倩蒼琅之竿東
南之箭其林可遊其芳可薦草則陵茗海藻山英江蘼
綸組菁茅繁露卷舒獸則駒駉俊猊鋸牙披蹄登重巘
蹲孽噫噫氣則風生噴沫則雨灑其間則有騰猿天矯

洪鑿類函卷三十三
閃儵柯杪風母果然星流電遷或陵虛赴絕或繚繞希
聞鳥則鷓鴣孔翠丹穴之羽鳴鳳自歌翔鸞自舞魚則
鮫鱣鱗比目鱠鮓脩鯤橫海徵鯨偃波其中則有靈
蛟白鼉之族種繁六眸類豐三足鸚螺蛻骨寄居負敖
餘泉如輪文蚺如琢果則黃甘朱橙楊枇杷林蔚八
桂之叢色燿三珠之華爾其實怪則有瑤琨琅玕青璧
元珉陽珠散火陰甲潛珍雲英水玉錯燿龍鱗煥若金
膏晃若燭銀琉璃冰朗而外映珊瑚觸石而構翹牙簞
列文於象齒火布濯穢於炎焱西徂石城則舟車之所
混并東盡金塘則方駕之所連箱其中則有龍坻華屋

晨鳧之舸青雀飛艦餘皇鼓柁鷁首鋪於黃宮盤蛟纏
於赤馬爰有蘭堂華屋高門重構羅鼎玉食絲竹並奏
龍駒汗血於廣塗朱輪擊轂而輻輳 傅元正都賦曰
撫琴瑟陳鐘簴吹鳳簫擊鼉鼓奏新聲理秘舞乃有材
童妙妓都盧迅足緣脩竿而上下形既變而景屬忽跟
挂而倒絕若將墜而復續蚘縈龍蛇委隨紆曲杪竿首
而腹旋承嚴節之繁促於是神嶽雙立岡巖峯峯靈草
蔽崖嘉木成林東父翳青蓋而遐望西母使三足之靈
禽丹蛟吹笙文豹鼓琴素女撫瑟而安歌聲可意而入
心僭佺企而鶴立和清響而哀吟 **增**唐李庚西都賦

洪鑄類函卷三十三
三
曰其地勢也負秦章臺倚漢甘泉帶涇渭之富流挾終南之壽山指重城於二華拓外門於兩關元素交川灞澹在焉斷虹偃蹇而巨梁拖輪走驟而蹄奔度萬國以向朝趨魏闕之通門赤縣統劇停阡帝鄉長安萬年乾封明堂藍田左倚鄠杜前張分坵連乎馮翊畫疆接乎岐陽排吳山而抵蜀亘氏谷而通商其中則御水分溝昆明下流在野決溉入宮環洲菰織蒲紉芡贊菱羞渚戲青鷁沙眠白鷗其遠也深有蛟潭派作龍湫涘接河漢波通女牛其近也方塘含春曲沼澄秋戶閉煙浦家藏畫舟土厚地中溫寒以宜門多杖老室有蕃兒承化

發謠帝力不知則有程鄭之家白闥朱軒崇基峻砌侍駟高門木秀葢葩紅舒綠繁挺碩果於華林育豐蔬於中園珠箔晝晦金釭夜明羅繡巾幘鼓瑟吹笙譁族陳賓以樂乎太平貨隧分屨物次駢連中署肆帥夕咽朝昏越璞楚琛蜀賄巴寶裁綺張繡紋軸蕉筒交錯雜沓斯焉會同黃宅緇廬金篆玉扃以張帝居用壯天廷千形萬聲不可多名 又東都賦曰若乃用洛為池帶河為沼洞八門之會要控二梁之天矯赤縣神州與京比儔運東山之貢賦扼關外之諸侯宜齊梁而駕輅引淮汴而通舟太行枕甸發址崇垓覃懷鎮封上千昭回鑿

洪鏡山卷三十三
門導伊兩阜屏開育仁頤智堂與庭隈爾其左掖通東
右掖洞西籠故地之銅駝抱舊里之玉鷄御溝接派苑
樹通堤抗鳳樓於內庭轟端門於天街上陽別宮丹粉
多狀鴛瓦鱗翠虹梁疊壯橫延百堵高量十大出地標
圖臨流寫障霄倚霞連屹言言翼太和而聳觀側賓
曜而疏軒若蓬萊之真侶瀛洲之列仙鸞駕鶴車往來
於中天嚴城曉啓千門萬戶建衛對營開扃接牖翠華
在鎬分官以守監署惟三御曹止九禮樂所流厥惟舊
周追魯俗而為鄰化殷頑而作柔異材挺擢多士優游
原膺膺而耕溺水濺濺而洗由 宋楊侃皇畿賦曰大

矣雄圖昭然聖謨謂陳留天下之衝要大梁海內之膏
腴漢祖得之則齊楚之敵敗亡相繼咸就擒而即誅梁
王守之則七國之師不敢西向盡為馘而為俘實王氣
之長在宜萬世而作都也莫不廣封溝設險固襄平割
宋之美田戴邑裂曹之沃土滑分屬邑之二城陳滅太
康之萬戶潁川之鄢陵扶溝滎陽之中牟陽武咸命落
編民於州籍升地圖於天府故得雄臨九州陋視三輔
經營歷於五代法則垂於萬古圖書載詳境土斯見開
封則漢志之名邑今二京之首冠祥符則天書之降年
易新名於舊縣穗秸之入斯為近甸若乃百萬衆之分

營十二市之環城囂然朝夕異彼郊坰其東則有汴水
之陽宜春之苑向日而亭臺最麗迎郊而氣候先暖鶯
囀何早花開不晚瞻太乙之清宮壯先朝之命工構宇
煙霞之外出俗囂塵之中其南則有崇崇清壇肅肅齋
宮卜是吉土龜從筮從永奉禋祀郊見昊穹別有景象
仙島園名玉津珍果獻夏奇花進春百亭千榭林間水
濱其西則有池鑿金明波寒水殿鷓首萬艘而壓浪虹
橋一道而通輦太液無濫觴之深靈沼有潢汙之淺一
派如飛通漕架虛貫都注御溝之口轉漕通廣濟之渠
京索導源而於彼金水名河而在茲其北則含芳舊苑

瑞聖新名十洲象景三島分春彼沙臺之崔嵬聳佛刹
之千尺岡阜連延於西南原田平坦於東北何沙海之
飛揚忽到此而止息若夫八澤九溝二池三固周流原
野表界境土宿萬勝以遙觀見斗門之雙注吸驚浪以
橫來絕長堤而可懼西望河流襟帶二邑高岸山立回
灣箭急右倚太行橫絕雲霧夫雍阻二嶠之險洛憑九
河之固方之於是彼若平路過濮水之長渠經封國之
舊域寥落兮桐罕之亭湮沒兮黃池之迹何昔也明誓
重重諸侯於此會同今也京邑翼翼四方於此取則
周邠彥汴都賦曰惟此汴都禹畫爲豫周封鄭地背觴

鴻鵠歸王鮪科斗魁陸鼉鼉蜃含蟹巨螯容與相羊
陰藻依蒲其鳥則有鸚鵡鵙鵙鷺鳧鷺鷓鴣鷓鴣鷓
鴉鷓鶴倉庚楚鵲鶴鶴揮霍鸞鸞雉雉羣鴿香啄其木
則有栳檟楸檟檟檟檟檟檟檟檟檟檟檟檟檟檟檟檟
章句科扶疎蔽芾竦尋集弱倚施挈枝刺條脩幹蟠根
矯躩鱗傲其下則有申葉蘭芷芸芝荃蓀髮布絲勻馥
郁清芬其氣襲人若乃豐廩貫膾既多且富永豐萬盈
廣儲折中順成富國星列而碁布千箱所運億廩所露
入既夥而委積食不給而紅腐 王仲勇南都賦曰翠
華迴馭龍旆載揚觀紫氣於芒山辨白水於南陽灑翔

鸞之神翰揆鴻藻之天章於是建南京陪上國首諸夏
作民極對列乎浚郊相輝乎洛宅頌慶洞開歸德峻峙
正殿曰歸德 端門曰頌慶 偉宮室之光明仰觚稜之神麗儉不至陋
奢不逾侈旁立原廟歸罪穹崇殿實有三一祖二宗顯
文謨而承武烈彌萬祀而無窮俯浪宕之舊渠迴伊洛
之清流灑江吳之漕粟浮寶鷁之千舟若乃昭仁崇禮
迴鸞祥輝南都四 連闌帶闈列隊通畿萬商千賈鱗集
羽歸星布織麗山積瑰奇其原野則田疇彌望不可計
數浸以耀漁之源被以沃壤之土舉趾即雲荷鉏迺雨
芄芄離離禾麥稷黍其亭館內之則有流觴淶波檜陰

四合照碧妙峰武備道接外之則有朝雨暮雲暖風殘
月又有玉觸金縷光華喜嘶馬落帆芳草柳枝之列
聯觀光與望雲指中天之魏闕其池沼則東西二湖漏
漏迢迢水澄似鏡波泛如潮窺馴鷺於別渚識海鴈於
舊橋陟高臺而環望悟神意之自如臨綠水而暫止疑
放曠於江湖若予之所舉僅知其髣髴十分未得其一
隅 明李時勉北京賦曰曰惟北都在冀之域右挾太
行左據碣石宗恒嶽其巍巍鎮鑿閭而奕奕冠九州之
形勝實爲天府之國於是仰瞻析木俯測地靈龜筮兆
吉天人叶應爾乃懸水樹泉識景表營建不拔之丕址

拓萬雉之金城引天泉於西阜環湯池而鏡清九衢百
屢之通達連薨邃宇之縱橫若乃四郊砥平皇道正直
視萬國之環拱適居中而建極其南則萬流宗海平林
蔽天溘淤恒衛經其野滹磁涑桑匯其前界以大陸廣
阿之弘壤扼以大茂井陘之連山膏腴之地綿亘三千
餘里而極於黃河伊潁之川其水陸之所產卓犖繁盛
蓋莫得而計焉其北則疊嶂巒峩層巒蔽虧長城矗乎
雲表百泉湧乎山隈壯天關而設險守一夫而莫開包
狼山上谷之阻據野狐獨石之危掩祖山木葉之離立
連白登紫塞之逶迤其東則潞河通漕控引江淮肥如

灤涑灌注縈迴環以大海衆水所歸洪濤巨浪洶湧崔
嵬蓋不知其幾千萬里而蠻商番舶帆檣隱天上下不
絕而往來又有蓬瀛方壺鳳麟聚窟十洲三島靈異非
一琉精之闕瓊華之室墉城岩堯金臺翠律紫氣丹青
景雲矚目靈囿偃佺安期羨門之徒相與從遊於其間
出入隱見而恍惚其西則崇山鬱翠高挹泰岱北接居
庸南首河內奇峰擁關龍門阻隘玉泉垂虹青煙浮黛
上巖窠兮倚空下蟠據而際海其麓則有渾河湯湯西
湖泱泱鹽溝琉璃桑乾廣陽雪波泛湧灑漾汪洋一瀉
千里會流帝鄉又有上林禁苑種植畜牧連郊踰畿緣

丘彌谷澤潄川匯若大湖瀛海渺彌而相屬其中則有
奇花珍果嘉樹甘木禽獸魚鼈豐殖繁育颺颺籍籍不
可得而盡錄若其宮室之制則居高而臨下背陰而向
陽奉天凌霄以磊砢謹身鎮極而崢嶸華蓋穹崇以造
天儼特處於中央上象天體之圓下法坤德之方兩觀
對峙以嶽立五門高矗乎昊蒼飛閣屹以奠乎四表瓊
樓嵬以立於兩旁廟社并列左右相當闢閭闔其蕩蕩
儼帝居於將將玉戶燦華星之炯晃璇題納明月而輝
煌寶珠焜耀於天闕金龍天矯於虹梁其後則奉先之
殿仁壽之宮乾清坤寧眇麗穹窿掖庭椒房閨闈闕通

其前則郊建園丘合祭天地山川壇壝恭肅明祀至於
五軍庶府之司六卿百僚之位京尹赤縣之治所王侯
貴戚之邸第守羽林而掌飲飛者至九十有四衛莫不
井列而棋布各雄壯而偉麗 金幼孜皇都大一統賦
曰維此北京太祖所屬天造地設靈鍾秀毓總交會於
陰陽盡灌輸於海陸南臨鉅野東瞰滄溟西有太行之
巖莫北有居庸之崢嶸瀉玉泉之逶迤貫金河而迴縈
瓊島上聳以盤礴太液下激而泓澄乃卜良辰乃蠲吉
日以相以度以構宮室棟宇崇崇簷楹秩秩以蓋以覆
陶冶埏埴以繪以圖黝堊丹漆煥五彩之輝煌作九重

之嚴密天地洞開馳道相連金鋪絢日玉柱凌煙星羅
綦布瑩燦珠聯虹飛霞擁龍翔鳳騫超凌氛埃壯觀宇
宙規模恢廓次第畢就豁千門之雲矗敞萬戶之輻輳
至若丹闕巍巍飛觀凌空觚稜上聳閣道遙通左祖右
社蔚乎穹窿禁城之下金水溶溶畫棟凌雲繡柱含空
璇題耀日綵橋駕虹若夫御苑逶迤上林深窈有山有
泉為臺為沼巖谷谿澗雲霞縈繞走有奇獸飛有靈鳥
樂寬閒以棲息恣回翔以馴擾又若百司庶府有網有
目太學郡庠之並建琳宮梵宇之森矗列九衢之坦坦
引六街而相續閭閻櫛比闐闐雲簇馬馳聯轡車行擊

穀又若歌樓舞榭豔態穠粧羅袖回雪清聲遶梁管絃
嘔啞狎坐傳觴娛青陽之麗景駐白日之飛光 桑悅
南都賦曰明之南都宿分於斗職域於揚斗則日月之
所佉秘五星之所乘營是謂天維揚則拓土畫疆卓犖
兼并是謂地綱論大形勢桐柏之源東馳般汨揖濁灩
而招沂泗者於此乎會岷山之支東累綿衍出庾嶺而
包彭蠡者於此乎盡誠江海之都會也山林之總轄也
而况口以三吳足以荆蜀八閩二廣可伸可縮堪輿之
精盡於是矣細論藩屏則天設雄塹表以鍾山楊以長
江山則掩譎崔聳艷歎峻翔裘块礪盡尖台鬼亢巖業

墳兀追詭廉盪晴兮黨黨晦兮璋璋氣雲薄兮擬封秀
囊挹兮可捫江則膠戾蛟毅砰湧便注丕庠頌溢滌混
澶泐逢櫻溶瀆洛洞泗流凜兮格格允兮統統喜法法
兮穆協怒趨趨兮讐闔均山惟榆丕江迺桑如韓孟之
齊騁類楚漢之相當挾以石頭秦望之蔓麗帶以後湖
元武之汪洋嶺一頡兮千熊羆浪一顏兮幾城隍欲織
摹其詭異洵一挂而萬亡其洞則有華陽玉柱良常羅
姑各有真府神切天怒門隄隄兮混沌未鑿室閻閻兮
氣化馴劄丹崖甲乎連襪翠壁貫乎稜觚其泉則有白
乳一人玉兔喜客婁地籟之于于垂天紳之默默斂川

后之津液蓄山靈之骨脈雨或嘲而噀噀風或譽而嘖
嘖其池則有覆盆石墨天淵蓮花昔人留今指爪朽名
潤兮無涯又有堤名太平堰名余家瀨名投金泓名丹
砂九曲霹靂溝河湫祭芳草躍馬澗河清華又有田疇
則黍稌咸宜桑柘斯植水耕火耘風經雨織一犁鬮鬮
今斛粟半筐縹緲兮尺帛真中華之心而四方之極者
也帝省山川可為皇據惟古帝王或命於陶或命於牧
惟豐惟鎬文武是屋儲茲地髓以俟天牧於是役吳載
柞命晉其耘宋齊為畚梁陳為斤其建金華赤烏玉燭
重雲太極清暑之俵麗結綺永安之青蔚孰非先埽我

金門之路清吾玉殿之塵也哉逮元脫紐宇宙沸靛閃
茲地也鬱鬱蔥蔥暉煌煌增渥補泊銜紫浮緗虹經
撮彩雲緯成章旒兮若燭龍之燄裕兮類若木之光盪
踞虎而將躍暈盤龍而欲翔其在山也徑谷就實危峰
增鉅彘乎若巢金之欲彰其在水也漫沉氤氳逐泛漳
揚灑乎若頽波之弄西陽裨竈瞻望而躑躅景純睥睨
而周章非名都之將建而先發其祥耶 又北都賦曰
間北之為都宿屬於箕地名幽州神堯之聖域召公之
賢丘地勢累崇蹠蹠揀揀齊魯為柶綴趙遼作旒東
阮逶迤而左達太行巍巍而右邁滹澆無涯峻峭莫儔

天合其所人凝其績築城伊瀆作都伊匹規乾準坤以
究安宅五門環環千廬捩捩雙華嫚嫚丹闕額額峙以
文武列以順掖東連宗廟西靠社稷南薰仁智前經後
緯思善翼善左輔右弼奉天前迤斷斷特特若園倪之
無極華蓋中莅鏘鏘鑿鑿若春盎之可即謹身後擁環
瓌赫赫若混沌之未劃悉助其楠悉扛其楹剡柱乳楣
巨纖舩墀榭檻禁楸疎戚烈迸陽棲其正陰止其冥懸
魚愧凜而下垂拒鵲嬌暉而上騰彼榴榴之雄梁夥崇
壘而獨承羣材膺職渠渠迺成遊衍之區爰營西苑泓
以太液之歔歔峙以瓊華之汜汜池則汪洋漫衍漾潢

潭沲揚以江蕪芙蓉點以芳藻綠荷含英吐華醞醞薰
波島則巉巖磊砢第鬱危縹太湖輸精武康貢英薄平
泉而不即眇良嶽而弗登迺築崇基殿以廣寒古柏十
圍矮松百盤俯雙橋之千柱仰萬歲之層巒南墉之中
亭館綿延迷以綺鏡復以粉智東南其戶寒暑攸偏涼
登洗髓之域和躋浴沂之天惟南有囿釗釗媿媿臺呼
名鷹歸前雲齊規以楣垣衛以危榭佳實累杈灌木垂
槎幻靈芝之茁茁茁紫脫之萋萋蚊息蝮動鷺擊獷起
或并命而比翼或兩額而三蹄以至大月一封之駝黃
支獨角之犀昆明吐金之鳥三佛吞火之鷄天山識樂

之帝江哈烈弄球之後猊亦安薛公之鞠養受毛丘之
羈縻環以靈沼劃以崇溪水禽淵魚隨方躍棲悉涵負
乎恩澤動濡爛而敷祈

原詔唐太宗建東都詔曰朕聞踐華固德百二稱乎建
瓴卜洛歸仁七百崇乎定鼎是以控膏腴於天府啓黃
圖於渭濱襟沃壤於王城櫛綠宇於河渚市朝之城麗
皇州之九緯丹紫之原邈神皋之千里二京之盛其來
自昔此都心茲宇宙通賦貢於四方交乎風雨均朝宗
於萬國曲阜之規猶勤測圭之地載華豈得宅帝之鄉
獨稱都於四塞里王之邑匪建國於三川宜改洛陽宮

為東都上棟下宇彼勞昔以難前廣廈高臺我名今而
改彼仍茲舊貫式表宸居 **增**宋高宗定都臨安詔曰

昔在光武之興雖定都於洛而車駕往返見於前史者
非一用能奮揚威靈遞行天討上繼隆漢朕甚慕之朕
荷祖宗之休克紹大統夙夜危懼不常厥居比者巡幸
建康撫綏淮甸既已申問邊圉獎率六軍是故復還臨
安內脩政事繕治甲兵以定基業非厭雨露之苦而圖
宮室之安也遂定都故今以臨安府為行在所

增頌明鄧林皇都大一統頌曰天作神京山河鞏固聖
皇宅之永隆寶祚惟此北京冀域堯封龍潛舊邸王氣

法鏡類函卷三十三
所鍾爰法天經爰因地義斷自宸衷率由舊制乃營三
殿三殿堂堂乃立九門九門將將乃築園丘乃除方澤
父天母地於焉昭格乃嚴廟社乃定市朝規模位置秩
焉有條龍樓中屹鳳閣前峙禁城萬雉邦畿千里乃廊
阿閣玉戶金鋪赫然壯觀偉矣弘模府第星羅廬井櫛
比萬象一新兩京駢麗洪惟聖皇與天合德營此北京
象彼北極惟北有極環拱衆星惟北有京包舉八瀛日
月貞明山河帶礪聖子神孫本支百世

增表唐李嶠請車駕還洛表曰載祀七百卜年非豐鎬
之地時乘九五啓聖由瀍洛之鄉所以受龍圖龜書所

以朝雨師河伯萬靈幽贊百物阜昌是曰天地之心實
興帝王之祚况復園丘方澤神祇之兆域以安復廟重
檐昭穆之尊卑既敘定社而立稷建邦而設都是萬年
長王之郊誠億載不遷之宇加以舟車并湊水陸交衝
物產尤多觀聽胥悅衆庶有來蘇之冀神靈翹望幸之
心伏願俯察氓謠仰祇天意涓時擇日屯萬騎而出函
秦省俗觀風撫四方而還鞏洛衆星拱列長居辰極之
尊萬國駿驅載詠朝宗之府曰明梁本之爲魯王賀建
北京表曰定鼎在興王之地建都效卜洛之規道里均
平山川鞏固於此繼天出治發政施仁禮樂明備而三

階砥平垂拱無為而四方來賀綸音誕布允為洛誥定命之書鴻業告成載詠鎬京復古之雅

序明劉侗帝京景物略序曰都應垣也燕之應極垣有三焉極一而已矣日東出躔十有二極北居指十有二以柄天下之魁杓天險設於坎地勢厚於坤皇建而人民會歸於極有進矣中宅天下不若虎眠天下虎眠天下不若挈天下以瓶而身抵其口雖不如關關不如薊守雒以天下守關以關守天下必以薊文皇得天子自守邊之略於厥初封都燕陵燕前萬世未破斯荒後萬世無窮斯利捶鞞九邊橐籥四海豈偶哉於焉神人

萃物爽憑成周鼓文漢代瑞像脛翼謂何氣先符應他若潭雲塔影龍螺洞光木石幻氣精熙游盛今古雖留更僕未可悉數也

增辨元吳澄東西周辨曰東西周有二一以前後建都之殊而名一以二公封邑之殊而名昔武王西都鎬京而東定鼎於郊鄗周公相成王宅洛邑營澗水東瀍水西以朝諸侯謂之王城又謂之東都實郊鄗於今為河南又營瀍水東以處殷頑民謂之成周又謂之下都於今為洛陽自武至幽皆都鎬京平王畏敵之逼去鎬而遷於東都平以下都王城曰東周幽以上都鎬京曰西

周此以前後建都之殊而名也自平王東遷傳世十二而景王之庶長子朝與王猛爭國猛東居於皇晉師納之入於王城入之次月猛終丐立踰半期而子朝又入王辟之東居於翟泉子朝據王城曰西王敬王在翟泉曰東王越四年子朝奔楚敬王雖得返國然以子朝餘黨多在王城乃徙都成周而王城之都廢至考王封其弟揭於王城以續周公之官職是為周桓公自此以後東有王西有公而東西周之名未立也桓公生威公威公生惠公惠公之少子班又別封於鞏以奉王為東周惠公之父子同謚以鞏與成周皆在王城之東故班之

兄則仍襲父爵居於王城是為西周武公以王城在成周之西故自此以後西有公東亦有公二公各有所食而周尚為一也顯王二年趙韓分周地為二二周公治之王寄焉而已矣周之分東西自此始此以二公封邑之殊而名也前後建都之殊者以鎬京為西對洛邑為東周而言也二公封邑之殊者又於洛邑二城之中以王城為西周對成周而言也一王城也昔以東周稱後以西周稱夫周東西之分因武惠二公各居一而名王則或東或西東西之名繫乎公不繫乎王也鮑氏云赧徙都西周西周鎬京也嗚呼鎬京去王城成周八百餘

里自平王東遷之後不能有而以命秦仲曰能逐敵人
即有其地鎬之為秦已四百年于茲其地在長安上林
昆明之北虎狼所穴而王得往都於彼哉

淵鑑類函卷三百三十三

淵鑑類函卷三百三十四

州郡部一	州郡總裁	冀州	揚州	荊州	青州
<small>幽州</small>	<small>徐州</small>	<small>兖州</small>	<small>豫州</small>	<small>雍州</small>	<small>益州</small>
<small>并州</small>	<small>交州</small>	<small>河南郡</small>			
<small>京兆郡</small>	<small>宣城郡</small>	<small>會稽郡</small>			

州郡總裁一

原說文曰州疇也疇其土而生之也 春秋說題辭曰
 州之言殊也合同類異其界也 風俗通曰周禮五黨
 為州州疇也州有長使之相周足也 **釋**名曰州注
 也郡國所仰注也又曰郡羣也人所羣聚也 **原**尚書
 大傳曰古之處師八家而為鄰三鄰而為朋三朋而為
 里五里而為邑十邑而為都十都而為師州有十二師

州郡部

淵鑑類函卷三百三十四

州郡總裁

焉 **釋** 鄭元尚書大傳注曰州凡四十三萬二千家此

蓋唐虞之數也 **原** 史記曰鄒衍著書云中國於天下

八十一分居其一分耳中國名赤縣赤縣內自有九州

禹之敘九州是也不得為州數中國外如赤縣州者有

九乃謂九州也有裨海環之如一區中者乃為一州如

是者九乃有大瀛海環其外天地之際焉 **案** 敘河圖

括地象曰天有九道地有九州天有九部八紀地有九

州八柱崑崙之墟下洞含右赤縣之州是為中則東南

曰神州正南曰迎州 次州 西南曰戎州正西曰拾州中

央曰冀州西北曰柱州 梧州 正北曰元州 亦曰宮州 東

北曰咸州 一作薄州 正東曰陽州天下九州內效中域以盡

地化 又曰崑崙東南地方五千里名神州中有五山

帝王居之 河圖曰九州殊題水泉剛柔各異青徐角

羽集寬舒遲人聲緩其泉酸以鹹荆揚角徵會氣漂輕

人聲急其泉酸以苦梁州商徵接剛勇漂人聲騫其泉

苦以辛兗豫宮徵合平靜有慮人聲端其泉甘以苦雍

冀合商羽端缺烈人聲捷其泉辛以酸 **張衡靈憲圖**

曰崑崙東南有赤縣之州風雨有時寒暑有節苟非此

土南則多暑北則多寒東則多陽西則多陰故聖王不

處焉 **周書**曰郊田方六百里因四土為方千里分

州郡部

州郡部

州郡總載

以百縣縣有四郡郡有鄙鄙不過百室以便野事 詩
曰奄有九有 周禮曰大司徒以天下之圖周知九州
之地域廣輪之數 王制曰凡四海之內九州州方千
里州建百里之國三十七十里之國六十五十里之國
百有二十凡二百一十國名山大澤不以封其餘以為
附庸間田八州州二百一十國天子之縣內方百里之
國九七十里之國二十有一五十里之國六十有三凡
九十三國名山大澤不以盼其餘以祿士以為閒田凡
九州千七百七十三國 呂氏春秋曰天有九野地有
九州河漢之間為豫周也兩河之間為冀晉也河濟之

間充衛也東方為青齊也泗上為徐魯也東南為揚越
也南方為荆楚也西方為雍秦也北方為幽燕也 淮
南子曰天地之間九州八極土有九山山有九塞澤有
九數 漢班固西都賦曰華實之毛則九州之上腴焉
漢孔安國尚書序曰九州之志謂之九丘 春秋文
耀鉤曰北斗七星主九州 摘輔象曰兗豫屬上台九
繫於荆揚屬下級上之梁雍屬中土中台冀州
三台屬錯中台之上下台青州屬下土下台徐州屬下下下台
五經異義曰地有九州足以承天 詩含神霧曰邶鄘
衛王鄭此五國者千里之城處州之中名曰地軸 廣

州郡部

州郡部

州郡總載

三

輿記曰統論天下之大勢如人之有一身京師元首也
玉門遼陽上谷雲朔肩背也河渠咽喉也伊洛襄漢河
淮之間腹心也齊魯秦晉左右手也吳蜀腋也閩廣滇
粵足也肩背厚咽喉通腹心實左右手腋強足無蹠盤
以奉元首而營衛灌注焉斯形充體暢外邪不好矣

州郡總載二

增廣輿記曰人皇氏依山川土地之勢度為九州謂之
九有於是州有九土土有九山山有九塞澤有九藪水
有六品東南神州曰晨土正南次州曰沃土西南戎州
曰滔土正南兖州曰并土正中冀州曰中土正西
北括州曰肥土正北濟州曰成土東北薄州曰隱土正
東陽州曰申土是謂九土會稽泰山王屋首山太華岐

山太行羊腸孟門是謂九山太汾滹沱荆沅方城穀阪
井陘令疵句注居庸是謂九塞具區雲夢揚紆大陸圃
田孟諸海隅鉅鹿昭餘析是謂九藪河
水赤水遼水黑水江水淮水是謂六水周禮職方疏

曰自神農已上有大九州柱州迎州神州之等至黃帝
以來德不及遠惟於神州之內分為九州 文獻通考

曰顓帝所建帝嚳受之創制九州統領萬國雍荆豫梁
冀青徐兗

揚北至於幽陵幽州南至於交趾交州西至於流沙在張掖
居延縣

東至於蟠木東海
中日月所照莫不砥屬砥平也四遠
皆平而來服

屬大廣輿記曰唐堯命禹平水土分天下為九州冀兗
青徐

揚南曰荊州江南曰揚州濟河間曰兗州濟東曰

徐州燕曰幽州齊曰營州 隋經籍志曰禹別九州定其山川分其圻界條其物產辨其貢賦 淮南子曰禹使大章步自東極至于西極二億三萬三千五百里七十五步又使豎亥步自北極至于南極二億三萬三千五百里七十五步 漢郊祀志曰禹收九牧之金鑄九鼎象九州 晉志曰大禹觀於濁河而受綠字寰瀛之內可得而言也天有七星地有七表天有四維地有四瀆八紘之外名為八極 **原**說文曰堯遭洪水民居水中高土故名曰州 尚書曰禹別九州九州攸同 初學記曰堯禪天下至舜即位分冀州為幽州并州分青

州為營州始置十二州禹受命復為九州 又曰殷湯

受命因夏九州也 **廣輿記**曰周立職方掌天下之

土東南曰揚州西南曰荊州河南曰豫州正東曰青州

正北曰又分天下為九畿 王畿即禹之甸服侯畿甸畿

之綴服衛畿蠻畿即禹之要服鎮畿藩畿即禹之荒服

釋文曰禹貢有青徐梁而無并幽爾雅有徐幽營而

無青梁營三代不同故也 **原輿地志**曰至周成王

時周公作輔定官分職改禹九州以徐梁合之於青雍

分冀州之域為幽并二州大司徒之法五黨為州職方

氏掌天下之地辨九州之國保章氏掌天文以星土辨

九州之地所封之國皆有分星以視吉凶 史記曰周

制天子方千里分為縣縣有四郡故左氏傳曰上大夫受縣下大夫受郡至秦始皇初置三十六郡以監縣大

事記曰春秋時郡屬於縣趙簡子所謂上大夫受縣下大夫受郡是也戰國時縣屬於郡所謂上郡十五縣者是也

也 輿地志曰秦始皇并天下分置三十六郡者三十六

河東南陽南郡九江郡會稽郡揚州郡泗水薛郡東

郡琅邪齊郡上谷漁陽右北平遼西遼東代郡鉅鹿邯

鄆上黨太原雲中九原雁門上郡隴西北地漢中巴

郡蜀郡黔中長沙凡三十五與內史為三十六郡

各領縣萬戶以上為令減萬戶為長平百越又置四

郡 關中南海 合四十郡郡置一守一丞兩尉以典之監

侍御史掌監諸郡 苗恭十四州記曰秦兼天下始皇

二十六年廢五等之爵立郡縣之官以公國為大郡侯

伯為小郡大郡曰守小郡曰尉郡之言君也今之郡字

君在其左邑在其右君為元首邑以載民故取名於君

而謂之郡也 應劭漢官儀曰秦用李斯議分天下為三

以舊名長沙丹陽是也或以山陵泰山山陽是也或以

川源西河河東是也或以所出金城山下有金酒泉泉

味如酒豫章樟樹生庭中雁門雁之所育是也 輿地

或以號令禹合諸侯大計東治之山會稽是也

志曰漢有天下王侯郡國並置焉迄於平帝戶口繁息

凡新置郡國六十七與秦三十六合一百三改周雍州

曰涼州復置夏之徐梁二州而改梁曰益北置朔方南

有交趾別置二刺史凡十三部 涼益荆揚青豫兗徐幽

二刺史合十三部刺史十三人各掌一州物理論曰九

州變易交錯不同禹貢有梁州無并州周官有并州無

梁州爾雅有營州無青州漢興武帝開拓
三方立十三州通并梁之數而增交益焉
增合璧事
類曰漢興革秦之弊分內史為三部曰京兆馮翊扶風
更置桂陽江夏豫章河內魏郡東海楚國平原梁國定
襄泰山汝南淮陽千乘東萊燕國清河信都常山中山
渤海廣漢涿合二十三文帝增廣中城陽淄川濟南膠
西膠東河間廬江衡山凡九景帝加濟北濟陰山陽北
海凡四武帝增弘農臨淮西河朔方酒泉陳留安定天
水元菟樂浪廣陵敦煌武威張掖凡十四郡又開置南
海蒼梧鬱林合浦交阯九真日南朱崖儋耳九郡平西
南夷置牂牁越雋沈黎汶山犍為益州六郡西置武都

郡又分立零陵郡合十七郡昭帝增金城平帝合新舊
郡國一百一十一改雍曰涼梁曰益置徐州并荆揚青豫
幽并冀暨交阯朔方凡十三部分隸焉
原續漢書郡
國志曰光武中興命并省郡國明章和至於順帝凡郡

國一百五仍為十三部
河南尹河東弘農京兆尹左馮
川汝南梁國沛國陳國魯國豫州刺史所部也魏郡鉅
州常山國中山國安平國河間國清河國趙國渤海冀
州刺史所部也留陽東郡東平國任城國太山齊北國
山陽濟陽兖州刺史所部也東海國琅邪國彭城國廣
陵下邳國徐州刺史所部也濟陽南平開原樂北國北
海國東萊齊國青州刺史所部也南陽南郡江夏零陵
林杜陽武陵長沙荆州刺史所部也九江丹陽廬江會
稽吳郡豫章揚州刺史所部也漢中巴郡廣漢蜀郡犍
為牂牁越雋益州永昌廣漢屬國蜀郡犍為屬國
益州刺史所部也隴西漢陽武都金城安定北地武威
州郡

張掖酒泉燉煌張掖屬國居延屬國涼州刺史所部也
上黨太原上郡西河五原雲中定襄鴈門朔方并州刺
史所部也丞郡廣陽代郡上谷漁陽北平遼西遼東元
菟樂浪遼東屬國幽州刺史所部也南海蒼梧鬱林合
浦交趾九真日南交州刺史所部也縣邑道侯國千一
百八十一戶六百六十九萬八千六百三十一口四千
九百一十五萬二千二百二十九至桓帝又置三郡高陽高
涼博陵是也靈帝又置三郡南安鄯陽廬陵是也

增後漢書曰獻帝建安十八年復禹貢九州獻帝春秋

并州以其郡國併於冀州省司隸校尉及涼州郡國以
併於雍州省交州荆益州於是有充豫青州荆梁揚冀
益雍九數維同禹貢無益州合璧事類曰先主建安

間置郡九後主增雲南興占併舊郡共二十有二 吳
大皇帝初置六郡少帝置四郡景帝置四郡歸命侯置
十有一併得漢郡共四十有四 原括地志曰魏武輔

正吳蜀三方鼎峙疆場不定漢建安中置郡十二新與

也又省上郡朔方五原雲中定襄漁陽廬江等七郡

文帝受禪又置七郡新朝歌陽平弋陽魏興明帝置六郡

元菟樂浪又置上庸一郡 少帝又置平陽一郡并得

漢舊郡國五十四平蜀得二十郡劉備初置九郡巴東

為群柯城蕪益州漢中永昌南安武都也 晉太康平

吳之後天下一統孫權置臨賀武昌朱崖新安廬陵五

郡孫亮又置臨邛孫資置臨湘東四郡孫休置天門建

平建安合浦四郡孫皓置始興郡孫資置天門建

立宜陽一郡孫資置始興郡孫資置天門建

地記曰司冀交豫荆揚徐青 晉自蕩陰敗後羌羯交侵

至乎劉曜陷洛陽於是司冀雍涼青并兗豫幽平秦營
十二州並淪沒矣 **增**廣輿記曰晉版圖歸一分天下

為十九州 共郡國一百七十有三司州治洛陽兗州治

州治臨淄徐州治武城分三輔為雍州治京兆分隴山之西

建業涼州治上邽益州治成都分巴漢為梁州治南鄭分

雲南為寧州治雲南幽州治涿分遼東為平州治昌黎

交州治龍編分合浦 **合璧事類**曰劉宋都建康凡郡

二百三十有八縣千一百七十九南齊都建康淮北之

地所有絕少州凡二十有二郡三百九十有五縣千四

百七十四 **文獻通考**曰梁氏州郡多沿舊制天監中

州二十有三郡三百五十縣千二十有五其後更有析

置大同中州百有七郡縣亦稱於此自侯景逆亂建康

傾陷墳籍散逸不可得而詳焉 又曰陳氏土宇彌蹙

於梁北失淮淝以長江為境有州四十有二地轉狹而

州益多郡百有九縣四百三十有八 **原**括地志曰後

魏孝文帝都洛陽開拓土宇明帝熙平年凡州四十六

鎮十二郡國二百八十九矣天平年凡州六十八至武

定年凡州一百一十一郡五百一十九周明帝受魏禪

至大象二年凡州二百一十一 **增**合璧事類曰後周

宇文氏都關中郡五百有八縣千二十四 **原**括地志

曰隋文帝受周禪至開皇三年罷天下郡其縣但隸州

而已九年平陳以後四海一家大業三年罷州為郡四年大簿凡郡國一百八十三合璧事類曰隋文帝開皇三年遷都長安以官冗人
樊遂廢五百餘郡而以州治人名則因循職事同於郡
守無復刺舉之任煬帝大業初移洛陽城以平林邑更
置一二既而併省諸州三年改州為郡乃置司隸刺史
分部巡察五年平定吐番軍更置四部大凡郡百九十九
縣千二百
唐貞觀十三年大簿凡州府三百五十八
雍華同宜岐隴朔涇寧鄜州都督府坊延原都督府靈
州都督府丹夏都督府銀州都督府
汾絳秦晉隰慈呂石潞州都督府
忻朔蔚雲并州都督府其嵐懷相州都督府
邢霸博冀德觀深瀛滄定恒并幽易
督府遼師昌崇觀深瀛滄定恒并幽易
泗淮豫亳密青濟濮萊濟州都督府
沂洛州都督府鄭汴汝襄慶州都督府
忠渠通集興利溫復合鄧歸荊州都督府
均靜余巴南洋淪房壁閬始梓資嘉陵果遂州都督府

益州都督府綿大榮眉雅普翼茂州都督府簡向塗戎
 都督府瀘州都督府雋州都督府冉竿維繳亨即協曲
 襄靡微姚虜州都督府匡宗君曾州樂鈞昆陽光蕪申壽昌豪
 廬沔荆揚州都督府除楚和安州都督府岷洮宕臺橋梁州都督
 府戎武渭蘭州都督府尹芳文松州都督府岷岷洮宕臺橋梁州都督
 其生諸真都關出老懿河湊般鍾畝厥器調流邇率序
 淳執州都督府漳漳潼王彭祀峩豐州都督府龍會潭
 州都督府費江涪鄂鄧閬施郎岳黔州都督府時括常
 撫都督府饒慶衡永郡連婆道吉越州都督府洪州都督
 府秦抗宣湖蘇徽辰至南夷應琰莊祥充播年恩高州
 都督府循建振昭詔廣州都督府蒙即龍桂州都督府廉賓藥
 端新春浩寶邑潮賀封梧蒙即龍桂州都督府廉賓藥
 泉欽橫貴滕象交州都督府龍桂州都督府廉賓藥
 府澄鸞演白景林義智驩州都督府龍桂州都督府廉賓藥
 一千五百五十一至十四年西克高昌又置西州都督
 府及庭州并六縣通依敘之為十道也增廣輿記曰
 前凡三百六十州
 唐初分天下為十道開元二十一年增置五道分山南
 州都督府

二道分江南為東西二道增黔中道京畿道都畿道文獻通考曰梁初天下別

為十一南有吳浙荆湖閩漢西有岐蜀北有燕晉而朱氏所有七十八州以為梁莊宗初起并代取幽滄有州三十五其後又取梁魏博等十有六州合五十一州以滅梁岐王稱臣又得其州七同光破蜀已而復失惟得秦鳳階成四州而營平二州陷於契丹其增置之州一合一百二十三州以為唐石氏入立獻十有六州於契丹而得蜀金州又增置之州一合百九州以為晉劉氏之初秦鳳階成復入於蜀隱帝時增置之州一合一百六州以為漢郭氏代漢十州入於劉旻世宗取秦鳳階

成瀛莫及淮南十四州又增置之州五而廢者三合一

百一十八州以為周至於周末閩已先亡而在者七國

以南及山南西道四十六州為蜀自湖南北十州為楚

自浙東西十三州為吳越自嶺南北四十七州為南漢

自太原以北十州為東漢而荆峽三州為南宋太祖皇

帝受周禪凡州府軍監一百三十九縣六百六十一建

隆四年荆南高繼沖來朝得州府三江陵府縣一十七

是年平湖南得州一十五監一潭衡邵郴道永全岳濃

縣六十六乾德三年平蜀得州府四十六益彭鄧嘉邛

梓遂黎雅陵戎瀘維茂昌榮果閬渠合龍普利興縣二

文巴劔蓬壁夔忠萬集開渝涪黔施達洋興元府縣二

百四十開寶四年平廣南得州六十廣韶潮循封端英

州郡部

州郡總載

州郡總載

上

有二屬國六十東至於海西至金山暨於流沙北至臚
胸河南至白溝幅員萬里 金史地理志曰金襲遼制
建五京置十四總管府為十九路上京路咸平路東京
路北京路西京路中
都路南京路河東路京兆府路河北西路山東路
山東西路大名府路河東北路河東南路鳳翔路鄜延
路慶原路 其間散府九節鎮三十六防禦郡二十二刺
史郡七十三軍十有六縣六百三十二後或陞軍為州
陞城堡寨鎮為縣凡京府州百七十九縣加於舊五十
一城寨堡關百二十二鎮四百八十八 元地理志曰
元地北逾陰山西極流沙東盡遼左南越海表東南所
至不下漢唐而西北則過之世祖平宋全有版圖立中

書省

一統山東西
河北之地

行中書省十有一

曰嶺北曰遼陽曰
河南曰陝西曰四

川

曰甘肅曰雲南曰江浙
曰江西曰湖廣曰征東

分鎮藩服路一百八十五府

三十三州

三百五十九軍四安撫司十五縣一千一百

二十七

廣輿記曰明分天下為兩京十三省

永樂平
安南設

交趾省未
幾罷之

北直隸南直隸

畿內郡縣統領
於六部故曰隸

山西山東河

南陝西浙江江西湖廣福建四川廣東廣西雲南貴州

國朝定天下為兩京十四省直隸

師即京
盛京即遼
東 江

南

州江南分二布政司一轄江寧蘇州常鎮淮揚七府徐
州一州一轄安慶徽寧池太廬鳳七府滁和廣德三

州 山東山西河南陝西

鳳漢四府興安一州一轄西安延
州

平慶臨

浙江江西湖廣 湖廣分二布政司一轄湖北之
武昌漢陽黃州荊襄鄖安德八

州郡部

州郡部

州郡部

府一轄湖南長沙衡永辰
常岳寶七府柳靖二州
福建廣東廣西四川雲南貴

州郡總載三

原九圍 百郡 毛詩曰帝命式於九圍
漢書曰凡郡國一百三

州 八輔 尚書曰禹別九州
九有 十都 尚書曰

有九州也 華夏正統云九
神州 禪縣 載一詳總

輔 六郡 漢書曰京兆尹左馮翊右扶風為三輔
輔 三河 漢書韋昭謂河東河南河

輔 內為三河兼三輔為六輔
殊題 合類 詳

總載 涼邠 徐魯 漢書改雍州為涼州尚書曰海岱

淮沂 增四極 八紘 邠雅曰東至於濮銘北至於祝

栗謂之四極 觚竹北戶西王母
三形 九道 靈憲曰
位地有九域 天有三辰 地有三形 有象可效 有形可度
聖始紀綱 而經緯之 左傳虞人箴茫茫禹跡 畫為九
州 經啓 兩戒 八鎮 因唐天文志曰李淳風誤法象志
為天下山河之象 存乎兩戒 此戒自三危積石負終南
地絡之陰 東及太華 逾河並雷 首底柱 王屋太行北抵
常山之右 乃東循塞垣 至澂 獬朝 鮮是謂北紀 南戒自
岷山之岓 冢負地絡之陽 東及太華 連商山 熊耳 外方 桐
柏 自土洛 南逾江 漢 擣武當 荆山 至於衡陽 乃東循嶺
徽 達東 甌閩 中是謂南紀 揚雄校獵賦 戲八鎮而開
關 應劭注曰 四 九牧 萬區 左傳曰 貢金九牧 而開
方 四隅 為八鎮 九牧 萬區 地里志曰 黃金九牧 而開
濟 不通 旁行 天下 方制 萬里 分地里 配天象 文獻
畫 野 分疆 得百里 之國 萬區 分地里 配天象 文獻
曰 周初 尚有千八百 國 而分天下 為九畿 至成王時 亦
曰 九州 其後 諸侯 相并 有千二百 國 及平王 東遷 迄獲
麟 之末 二百 四十二年 間 諸侯 征伐 更相 吞滅 不可 勝
數 而見 於春秋 經傳 者 百有 七十 國 焉 百三十九 國 知

州郡部

州郡總載

土地所在三十一國不知其處也逮乎下分地里上
配天象所定躔次總標十二及周之末惟有七國
分三條守五要史記曰道九山岍及岐至荆山索

家內方岐是九山也古分為三條故地里志有南北條
之荆山馬融以岍為北條西傾為中條岍家為南條鄭
康成又分四列岍為陰列西傾次陰列岍家為武定陽列

鑰也登萊海東之保障也五要守而天下皆安矣鎖
鑰也登萊海東之保障也五要守而天下皆安矣鎖
鑰也登萊海東之保障也五要守而天下皆安矣鎖

帝辦其疆界星辨地石刻圖記曰魯班刻石為禹
始於禹貢星辨地石刻圖記曰魯班刻石為禹

職方中畫九州外薄四海析其物罷侯置守
職方中畫九州外薄四海析其物罷侯置守

又改州為郡刺史為太守大凡郡府三百二十有
有八縣千五百七十有三羈縻州郡不在數中依山

川之勢過日月之表地之勢度為九州謂之九圍各
居其一而為之長人皇居中州以制八輔駕六羽乘雲

山川千古不易鄭樵曰州縣之設有時而更
經界使充州可移而濟河之兗州不能移使梁州可遷

州縣移易而其書遂廢矣故
州縣移易而其書遂廢矣故

增以名字典郡漢朱浮與彭寵書曰伯通
增以名字典郡漢朱浮與彭寵書曰伯通

魏曹同六代論曰高祖封建地過古三刀為州晉王
魏曹同六代論曰高祖封建地過古三刀為州晉王

州郡總載四
州郡總載四

州郡總載
州郡總載

曰睿夢懸三刀於梁上須臾又益一刀李蒙曰三
刀為州又益者明府其領益州乎果遷益州刺史
說定五州齊王融策問曰片言而牧州典郡梁沈約
昭王碑文曰公攬轡升車牧先請典州唐韋嗣立傳
州典郡感達民祇非待期月
輕外每除牧守不行嗣
立先請典州以示羣臣

州郡總裁五

原讚 蕭子顯郡國讚曰郡國既建因州而部離過十
三合不渝九分城列邑名號即阜遷移區併代王代有

冀州一

原釋 名曰冀州取地以為名也其地有險有易帝王所
都亂則冀治弱則冀彊荒則冀豐也 爾雅曰兩河間

曰冀州 周官曰河內曰冀州其山鎮曰霍山其澤藪
曰揚紆其川漳其浸汾潞其利松柏 春秋元命苞曰
昂畢間為天街散為冀州分為趙國立為常山 淮南
子曰往古之時四極廢九州裂於是女媧殺黑龍以祭
冀州 漢書天文志曰昂畢為冀州分野

冀州二

賦 漢班彪冀州賦曰夫何事於冀州聊託公以遊居
歷九州而觀風亦哲人之所娛望常山之峩峩登北嶽
而高遊建封壇於岱宗瘞元玉於此丘徧五嶽與四瀆
觀滄海以周流

州郡部

冀州

冀州

七

漢揚雄冀州箴曰洋洋冀州鴻原大陸嶽陽是都
島夷被服潺湲河流表一作夾以碣石三后攸降列為侯
伯隆周之末趙魏是宅冀土麋沸炫炫如湯更盛更衰
載從載橫陪臣擅命天王是替趙魏相反秦拾其敝北
築長城恢夏之場漢興定制改列一作封藩王仰覽前世
厥力歷合作孔多初安如山後崩如崖故治不忘亂安不
忘危周宗自怙云焉有予隳六國奮矯果絕其維牧臣
司冀敢告在階

原論魏盧毓冀州論曰冀州天下之上國也尚書何平
叔鄧元茂謂其土產無珍人生質朴上古以來無應仁

賢之例冀徐雍豫諸州也盧釋曰除黃帝以前未可備
聞略言唐虞已來冀州乃聖賢之淵藪帝王之寶地東
河以上西河以東南河以北易水以南膏壤千里天地
之所會陰陽之所交所謂神州也

揚州一

原尚書禹貢曰淮海惟揚州厥貢瑶琨篠簜厥包橘柚
周官曰東南曰揚州其山鎮曰會稽其澤藪曰具區
其川三江其浸五湖其利金錫竹箭 春秋元命苞曰
牽牛流為揚州分為越國立為揚山 漢書天文志曰
牽牛婺女為揚州分野 續漢書曰張禹拜揚州刺史

當濟江行部土人皆以江有子胥之神難於濟涉禹厲
聲云子胥若其有靈知吾志在理察枉訟豈危我哉令
鼓楫而過歷行部邑吏民希見者人懷喜悅益部者
舊傳云嚴遵為揚州刺史行部聞道旁女子哭聲不哀
問所哭者誰對云夫遭燒死遵敕吏舁尸到與語訖語
吏云死人自道不燒死攝女令人守尸云當有枉吏白
有蠅聚頭所遵令披視得鐵錐貫頂考問淫殺夫

揚州二

原箴漢揚雄揚州箴曰矯矯揚州江漢之潯彭蠡既豬
陽鳥攸處橘袖羽貝瑤琨篠蕩閩越北垠沅湘攸往獷

矣淮夷蠢蠢荆蠻翩彼昭王南征不旋人咸躓於垓莫
躓於山咸跌於污莫跌於川明哲不云我昭童蒙不云
我昏湯武聖而師伊呂桀紂悖而誅逢干蓋邇不可不
察遠不可不親靡有孝而逆父罔有義而忘君太伯遜
位基吳紹類夫差一誤太伯無祚周室不匡句踐入霸
當周之隆越裳重譯春秋之末侯甸叛逆元首不可不
思股肱不可不孳堯崇一作勤屢省舜盛欽謀牧臣司揚
敢告執籌

荊州一

原釋名曰荊州取名於荆山也荆警也警南蠻數為寇

逆其民有道後服無道先強常警備之也 尚書禹貢
曰荆及衡陽惟荊州厥貢羽毛齒革惟金三品柃幹栝
柏礪砥砮丹惟箇篚楛包匭菁茅厥篚玄纁璣組九江
納錫大龜 周官曰正南曰荊州其山鎮曰衡山其澤
藪曰雲夢其川江漢其浸潁淇其利丹銀齒角 春秋
元命苞曰軫星散為荊州分為楚國荆之為言強也陽
盛物堅其氣急悍也 漢書天文志曰翼軫為荊州分
野 太康地記曰荊州於古蠻服之地也秦滅楚置郡
縣漢武分為交州至魏晉而荊州所部郡國二十 沈
約宋書曰朱修之為荊州刺史百城士民贈貺一毫無

所受去鎮之日秋毫無犯計在州以來內外然油及私
牛馬食費以私錢六十萬禪之

荊州二

原歌梁宋史荊州樂歌曰章華遊獵去絕郢從禽歸溶
溶紫煙合鬱鬱紅塵飛 又歌曰朝發江津路暮宿靈
谿道平衢廣且直長楊鬱裊裊

原箴漢揚雄荊州箴曰杳杳一作幽巫山在荆之陽江漢
朝宗其流湯湯夏后遭洛一作鴻荆衡是調雲夢塗泥包
匭菁茅金玉砥礪象齒元龜貢篚百物世世以饒戰戰
慄慄至桀荒溢曰在帝位若天有日不順庶國孰敢余

奪亦有成湯果棄其鉞放之南巢號之以桀南巢茫茫包楚與荆風飄以悍氣銳以剛有道後服無道先強世雖安平無敢逸豫牧臣司荆敢告執御

青州一

原尚書禹貢曰海岱惟青州厥貢鹽絺海物惟錯岱畎絲泉鉛松怪石 周官曰正東曰青州其山鎮曰沂山其澤藪曰望諸其川淮泗其浸沂沭其利蒲魚 春秋元命苞曰虛危之精流為青州分為齊國立為萊山 漢書天文志曰虛危者青州之分野 王隱晉書曰苟晞為青州刺史役煩賦重民不堪命日斬千人流血成

川號曰屠伯 太康地記曰青州東方少陽其色青其氣清歲之首事之始也故以為名周之建國表齊東海居於青州故吳季札觀樂於魯聞齊之詩云泱泱乎大國之風也其表東海者乎

青州二

原箴漢揚雄青州箴曰茫茫青州海岱是極鹽鐵之地鉛松怪石羣水攸歸萊夷作牧貢篚以時莫怠莫違昔在文武封呂於齊厥土塗泥在丘之營五侯九伯是討是征馬殆其銜御失其度周室荒亂小白以霸諸侯僉服復尊京師小白既沒周卒陵遲嗟茲天王附命下土

洪鑑卷之三十四
失其法度喪其文武牧臣司青敢告執矩

徐州一

原尚書禹貢曰海岱及淮惟徐州厥貢惟土五色嶧陽孤桐泗濱浮磬淮夷蠙珠暨魚厥篚元纈縞 春秋元命苞曰天弓星主司弓弩流為徐州別為魯國徐之為言舒也言陰牧內安詳也 漢書天文志曰奎婁胃為徐州之分野

徐州二

原箴漢揚雄徐州箴曰海岱伊淮東海是渚徐州之土邑於蕃宇大野既瀦有羽有蒙孤桐蠙珠泗沂攸同實

列蕃蔽侯衛東方民好農蠶大野以康帝癸及辛不祇不恪沈湎於酒而忘其東作天命湯武勦絕其緒祚降周任姜鎮於琅琊姜氏絕苗田氏攸都事由細微不慮不圖禍如丘山本在萌芽牧臣司徐敢告僕夫

兗州一

原尚書禹貢曰濟河惟兗州厥貢漆絲厥篚織文浮於濟漯達於河 周官曰河東曰兗州其山鎮曰岱山其澤藪曰大野其川河沛其浸盧維其利蒲魚 春秋元命苞曰五星流為兗州兗之言端也言隄精端故其氣織殺分為鄭國 漢書天文志曰角亢氏為兗州之分

州部

兗州

兗州

兗州

野

兗州二

原箴漢揚雄兗州箴曰悠悠濟河兗州之寓九河既導
雷夏攸處草繇木條漆絲絺紵濟漯既通降丘宅土成
湯五徙卒都於亳盤庚北渡牧野是宅丁感雉雉祖已
伊忠爰正厥事遂緒高宗厥後陵遲顛覆厥緒西伯戡
黎祖伊奔走致天威命不恐不震婦言是用牝雞是晨
三仁既知武果戎殷牧野之禽豈復能耽甲子之朝豈
能復笑有國雖久必畏天咎有民雖長必懼人殃箕子
虛歎厥居為墟牧臣司兗敢告執書

豫州一

原尚書禹貢曰荆河惟豫州厥貢漆臬絺紵厥篚織纊
錫貢磬錯浮於洛達於河 周官曰河南曰豫州其山
鎮曰華山其澤藪曰圃田其川滎洛其浸波澆其利麻
漆絲臬 春秋元命苞曰鉤鈐星別為豫州豫之為言
序也言陰陽分布各得處也 漢書天文志曰房心為
豫之分野

豫州二

原箴漢揚雄豫州箴曰郁郁荆河伊洛是經滎播臬漆
惟用攸成田田相拏廬廬相距夏殷不都成周攸處豫

州部

州部

豫州

野所居爰在鶉墟四隩咸宅寓內莫如陪臣執命不慮
不圖王室陵遲喪其爪牙靡哲靡聖捐失其正方伯不
維韓卒擅命文武孔純至厲作昏成康孔寧至幽作傾
故有天下者毋曰我大莫或余敗毋曰我強靡克余亡
夏宅九州至於季世放於南巢成康太平降及周微帶
蔽屏營屏營不起施於孫子王赧為極實絕周祀牧臣
司豫敢告柱史

雍州一

原尚書禹貢曰黑水西河惟雍州厥貢惟球琳琅玕浮
於積石至於龍門西河 周官曰正西曰雍州其山鎮

曰岳山其澤藪曰弦蒲其川涇汭其浸洛其利玉石
春秋元命苞曰東井鬼星散為雍州分為秦國東距穀
阪西有漢中南含高山北阻居庸得東井動深之萌其
氣險也 春秋文耀鉤曰華岐以北龍門積石南至三
危之野雍州屬魁星 河圖曰秦地方千里 漢書曰
秦得百二 蘇林曰言秦地險固以二萬人足當得諸侯百萬人 天文志曰東井
輿鬼為雍州分野 太康地記曰雍州兼得梁州之地
西北之位陽所不及陰氣雍闕故取名焉

雍州二

原詩晉摯虞雍州詩曰於皇先王經啓九有有州惟雍

居京之右土載輿區山包神藪嘉生惟繁庶類伊阜悠
悠州域有華有戎外接皮服內含岐豐周餘既沒夷德
未終莫不慕義易俗移風

原箴漢揚雄雍州箴曰黑水西河橫截崑崙邪指閭闔
畫為雍垠上侵積石下礙龍門自彼氏羌莫敢不來庭
莫敢不來匡每在季王常失厥緒侯紀不貢荒侵其寓
陵遲衰微秦據以戾興兵山東六國顛沛上帝不寧命
漢作京隴山以徂列為西荒南排勁越北啓疆胡并連
屬國一護攸都蓋安不忘危盛不諱衰牧臣司雍敢告
綴衣

益州一

原春秋元命苞曰觜參流為益州益之言隘也謂物類
並決其氣急切決列也 漢書天文志曰觜蟻參為益
州分野 揚雄蜀本紀曰蜀始王曰蠶叢次曰伯雍次
曰魚鳧 又曰武都人有女蜀王納以為妃疾卒葬於
成都作石鏡一枚以表其墓 十州志曰蜀王杜宇自
號望帝 左思蜀都賦曰外負銅梁宕渠內函要害膏
腴

益州二

原箴漢揚雄益州箴曰巖巖岷山古曰梁州華陽西極

州郡部

益州

益州

益州

黑水南流茫茫洪波鯨堙降陸于時八都厥民不隩禹
導江沱岷嶓啓乾遠近底貢磬錯罍丹絲麻條暢有稷
有稻自京徂畛民攸溫飽帝有桀紂洹沈頗僻遏絕苗
民滅夏殷績爰周受命復古之常幽厲夷業破絕為荒
秦作無道三方潰叛義兵征暴遂國于漢拓開疆宇恢
梁之野列為十二光羨虞夏牧臣司梁是職是圖經營
盛衰敢告士夫

幽州一

原釋名曰幽州在北幽珠之地也周官曰東北曰幽
州其山鎮曰醫無閭其澤藪曰豳養其川河沛其浸菑

時其利魚鹽春秋元命苞曰箕星散為幽州分為燕
國幽之為言窈也言風出入窈冥敏勁易曉故其氣躁
急漢天文志曰箕尾為幽州分野

幽州二

原箴漢揚雄幽州箴曰蕩蕩平川惟冀之別北阮幽都
戎夏交偪伊昔唐虞實為平陸周末薦臻迫於獯鬻晉
失其陪周使不阻六國擅權燕趙本都東限滅貊羨及
東胡強秦北排蒙公城壇大漢初定介狄之荒元戎屢
征如風之騰義兵沙漠偃我邊萌既定且康復古虞唐
盛不可不圖衰不可或忘隄潰蟻穴器漏鍼芒牧臣司

幽敢告侍旁

并州一

原周官曰正北曰并州其山鎮曰恒山其澤藪曰昭餘
祁其川虜洹嘔夷其浸涑易其利布帛 春秋元命苞
曰營室流為并州分為衛國之鎮立為明山并之為言
誠也精舍交并其氣勇抗誠信也 漢書天文志曰營
室東壁為并州分野 太康地記曰并州不以衛水為
號又不以恒山為名而云并者蓋以其在兩谷之間乎
韓魏趙謂之三晉即并冀二州是其地也

并州二

原箴漢揚雄并州箴曰雍別朔方河水悠悠北辟獯鬻
南界涇流畫茲朔土正直幽方自昔何為莫敢不來貢
莫敢不來王周穆遐征犬戎不享爰貊伊德侵玩上國
宣王命將攘之涇北宗周罔職日用爽蹉既不俎豆又
不干戈犬戎作難斃於驪阿太上曜德其次曜兵德兵
俱顛靡不悴荒牧臣司并敢告執綱

交州一

原苗恭交廣記曰漢武帝元鼎中開拓土境北開朔方
南置交趾刺史建安二年南陽張津為刺史交趾太守
士燮表言伏見十二州皆稱曰州而交獨為交趾刺史

何天恩不平乎若普天之下可為十二州者獨不可為十三州詔報聽許拜津交州牧加以九錫彤弓彤矢禮樂征伐威震南夏與中州方伯齊同自津始也 太康地記曰交州本屬揚州取交阯以為名虞之南極也周有天下越裳氏慕聖人之德重九譯貢白雉秦滅六國南開百越置桂林象郡以趙佗為龍川令因秦之末自擅南裔漢高革命加以王爵始變椎髻襲冠冕焉

交州二

原箴漢揚雄交州箴曰交州荒裔水與天際越裳是南荒國之外爰自開闢不羈不絆周公攝祚白雉是獻昭

王陵遲周室是亂越裳絕貢荆楚逆叛四國內侵蠶食宗周臻於李叔遂入滅亡大漢受命中國兼該南海之宇聖武是恢稍稍受羈遂臻黃支杭海三萬來牽其屣盛不可不憂隆不可不懼顧瞻陵遲而忘其規摹亡國多逸豫而存國多難泉竭中虛池竭瀨乾收臣司交敢告執憲

河南郡一 案河南京兆二郡所載事與京尹當相通

原應劭漢官儀曰河南尹所治周地秦兼天下置三川守河雒伊也漢更名河南 詳京 謝承後漢書曰華崧為河南尹優賢養民興教崇化至其翦治強宗威烈不

虧遂見譖毀 又曰羊陟遷河南尹下車計日受俸嘗
食乾飯茹菜禁斷豪右囑託書疏不與交通斷理冤徒
進用善士節操者旌表異行 魏志曰司馬芝為河南
尹抑強撫弱私請不行芝為教與羣下曰蓋君能設教
不能使吏必不犯也吏能犯教而不能使君必不聞也
夫設教而犯君之劣也犯教而聞吏之禍也君劣於上
吏禍於下此政事所以不理也可不各勉之哉 傅子
曰傅嘏為河南尹治以德教為本然持法有恒簡而不
可犯見理識情獄訟不任櫛楚而得其實不為小惠京詳
尹 又曰樂廣為河南尹郡中前廳多怪病後人皆於

廊下督郵傳中治事無敢在廳事者惟廣處之白日戶
自閉二子凱橫等懾怖廣使掘墻孔得狸乃絕

河南郡二

原箴後漢崔駰河南尹箴曰茫茫天區畫冀為京商邑
翼翼四方是營唐虞商周河洛是居成王郊鄆以處鶉
墟諸夏勁強是從是橫徹我墻屋而師尹不匡霸奪其
權宗器以分圖籍遷齊九鼎入秦

京兆郡一

原漢書曰趙廣漢為京兆尹以和顏接士事善推功歸
之下曰某掾屬所為非二千石所及吏皆書寫心腹無

所隱匿 又曰張敞守京兆尹尹自趙廣漢誅後皆不稱職市師寢廢長安市偷盜尤多百賈苦之敞既視事求問長安偷盜首長數人居皆温厚出從僮僕閭里以爲長者敞皆召既見責問因貸其罪乃署吏令致諸偷以自贖爲置酒小偷皆來賀之飲醉偷長陰以赭汙其衣裾吏坐門閱赭汙者輒收之一日捕得數百人由是枹鼓希鳴市無偷盜 又曰王駿爲京兆尹成帝欲大用之故試以政事先是京兆有趙廣漢張敞王遵王章王駿皆有名京師稱曰前有趙張後有三王

京兆郡二

原碑後漢蔡邕京兆尹樊陵碑曰於顯哲尹誕德孔彰膺帝休命謂篤不忘爰納忠式規悟聖皇欽崇園邑大孝允光九命車服昭示采章軒輅四牡承祀蒸嘗多士時貢繇役永息進路孔夷民清險棘同體諸舊兆萌蒙福惠垂無疆守以罔極

宣城郡一

原陶氏家傳云陶汪晉咸康中爲宣城内史君從父猷先爲之君到郡乃招隱逸廣開學舍以此教民民有向方者則辟爲掾吏百姓歌之曰人當勤學得主簿誰使爲之陶明府 晉中興書曰桓彝少孤家貧而性度高

豁不以簞瓢屑意年在弱冠便有知人之鑒為宣城太守百姓懷之 沈約宋書曰羊元保為黃門郎善弈棋棋品第三太祖亦好弈數蒙引見嘉其溫謹與太祖賭郡戲勝以補宣城太守

宣城郡二

原詩宋素淑登宣城郡詩曰悵焉訊舊老茲前乃楚居十代闕州記百祀絕方書 齊謝朓始之宣城郡詩曰簪髮逢嘉惠教義承君子心跡若未并憂歡將十祀幸霑雲雨慶方轡參多士振鷺徒追飛羣龍難隸齒烹鮮止貪競共理屬廉恥伊余昧損益何用祇千里解劔北

宮朝息駕南川浹寧希廣平詠聊慕華陰市 又宣城郡內登望詩曰借問下車日匪直望舒圓寒城一以眺平楚正蒼然山積陵陽阻溪流春穀泉威紆距遙甸巉巖帶遠天切切陰風暮桑柘起寒煙悵望心已極惆悵魂屢遷結髮倦為侶平生早事邊誰規鼎食盛寧要狐白鮮方棄汝南詔言稅遼東田

會稽郡一

司馬彪續漢書曰任延拜會稽南部都尉時年十九迎吏見其少皆驚會稽多名士延到官皆聘請高行俊又敬待師友之禮及掾吏貧乏輒分俸祿以賑給之

晉中興書曰諸葛恢為會稽太守臨行上為置酒謂之曰會稽晉之關中足食足兵在於太守以君有莅任之方是以相屈四方分崩當匡振否運治之所先君為言之恢陳謝因對曰今天下喪亂之餘風俗陵遲宜尊五美屏四惡進忠實之士退浮華之黨中宗深納之又曰王彪之為鎮軍將軍會稽內史加散騎常侍居郡八年豪強斂跡亡戶出者三萬餘口又曰王述作會稽太守外白請諱答曰惟祖惟考四海所知過此無所復諱

會稽郡二

原啓齊謝朓為王敬則謝會稽太守啓曰臣本布衣不謀遠大折衝之勤不舉燮理之義何階常恐覆餗是貽咎徵斯應陛下繼曆勝統日月重光得以桓珪袞服拜奉歲時視濯獻牲鞠躬郊廟而鴻恩妄假復授龜符玉節邁於雙璜表東侔之四履臨邊三事既謝張溫潁川再撫亦慙黃霸

淵鑑類函卷三百三十四

此書三書... 洪鑑類函卷三十三

淵鑑類函卷三百三十五

州郡部二 河南道 關內道 河東道 河北道

嶺南道

河南道一

案河南道者即禹貢豫徐青兗四州之域 案尚書兗州西北距

河謂古九河也九河填塞今之河北博德北距河東至

滄棣等州即古兗州之地今為河北道矣 河南府周地也風雨

之所交也陰陽之所和也日至之景尺有五寸謂之地

中昔周公營洛邑至平王居之 宋州宋地也 古豫古

商丘也闕伯之墟周封微子是為宋也 漢書地理志云

野之分 漢代梁孝王都之 青州齊地也古爽鳩氏之墟

周封太公於營丘為齊也今臨淄縣 兗州魯地也魯今曲阜縣也

漢書地理志云奎婁為魯屬古徐州 古少昊氏之墟周封周公後為魯侯

陳州陳地也古豫州城 平王東遷鄭武公居之今新鄭 其後

韓哀侯滅鄭而居其地韓貞子初都河北之平陽哀侯徙焉 東自豫許略

汝鄧面西得河南府之陽翟福昌新安盡韓地也案漢書地理志云

王以安邑近秦乃徙都焉今汴州大梁城是也 得河南滑州之境

分得韓之鄭豫等數州之東界屬於魏也地理志云魏野

河南道二

原 帝臺 天室 山海經云鼓鐘之山帝臺之所以勝百

龍門 在伊闕西南 史記曰周武王曰我南望岳而後去之 馬坂

阜 洛川 在伊闕西南 史記曰周武王曰我南望岳而後去之 馬坂

關 四塞 將五營上屯都亭置伊闕函谷廣城大谷鞏

成皋 右函谷前有伊闕却嵩孟津北四塞之固 鞏

郊 鄆 緜氏縣東南 左傳曰成王定鼎於郊鄆 鞏

九坂 三川 穆天子傳曰天子西升九坂郭璞注新安

地置三 金谷 銅駝 郭緣生述征記曰秦襄公初以周

州郡部 河南道

注穀水華延雋洛陽記曰兩銅駝在宮

之南街東西相向高九尺謂之險晉杜預釋例曰三塗

谷陸渾山名四岳三塗九州賦曰濯龍芳林九谷八谿

方湖曲洛鄆湖中趣御座石前建蓬萊山北經方

澤宿於曲洛梓澤芝田曰梓澤地名永初王城二

十泉里曹植洛神賦曰稅駕乎牛蘭

經注曰牛蘭水出魯陽縣北牛蘭

山積為黃陂入汝水

亭城西南黃陂以上汝水

封太伯後是為茅津柏谷西

虞公謂之虞城

行至於柏谷石隄金匱水

有金匱

石室

鵠里鴻關

號州以上北利西平

陰龍泉羊澗

豫州西唐南郭

國陶丘

曰汝時道化行也汝陰縣故陶丘

曰荆州其浸頽洪

曰神農初都陳徙於陳

云楚頃襄王東徙於陳

孤丘傳楚侵陳州

陽為鄆洛

州詩州蕩渠原圃渠

蕩渠原圃渠

曲洧

五都

狐丘

炎都

楚徙

與汝事夫子
於洙泗之間
大東以
上兗州
孤峰環秀
實神嶺也

石堰
金輿
龜蒙
宅毛詩曰
保奄有龜蒙
遂荒徐

華泉
歷井
如左傳曰
逢丑父使齊
頃公歷

海昌盧縣
東北有郛城
後為李氏邑
大峴
叟岡

師師城郎
琅邪費縣也
後為李氏邑
大峴
叟岡

曲四嶽三塗
不過是也
水經注曰
小叟岡有水
二源

雙會東導一川
表海
營丘
左傳曰
吳季札聞歌齊

公乎
以上沂州
表海
營丘
左傳曰
吳季札聞歌齊

也蘇林注
於齊營丘也
顧野王輿述志
曰宋文帝時

龍溝
鵠壟
張華博物志
曰徐君宮人生
卯以爲不祥

棄之水濱
有人名鵠
蒼街卯以歸
遂生兒爲偃
王後鵠

焉存
西楚
北陵
漢書曰項羽
自立爲西楚
霸王都彭

邳州以
邳閣
濠梁
舊邳閣
述征記曰濠
梁水

也其水注
泗有舊魚梁
莊白樓
朱矢
侯潛北征記

信王所都
也中城呂布
所守南臨白
門樓朱博物
志曰徐

州密
龍臺
馬耳
丈神龍出入
於其中故名
龍臺城

上水經注
曰馬耳山高
百丈柴阜
焦原
齊地棘柴

然故云柴
阜邱原葬於
其東尸子曰
莒有焦原者
廣

子獨却行
齊踵聖石
僊祠
石齊記曰萊
山之陰有大

古聖人從
此而出漢書
曰三山九穴
城縣有三

不其縣有
太一仙人祠
九所三山
九穴城縣有
三

以上
勝州

河東道一

原案河東道者禹貢冀州之域也舜置十二州分冀州為幽州并州今河東道即并冀兩州之地西南距河北盡朔垂悉其地 河東本堯之所都周成王封其弟叔虞其子燮是為晉侯及三家分晉自蒲州略河東至懷州屬魏懷州今屬河北道自澤潞而南至衛州盡太原府已北屬趙 太原府昔高辛氏子實沈及金天氏子臺駘之所居也又為唐國帝堯為唐侯所都鄭元詩譜曰唐者帝堯舊都地後徙蒲州帝舜所都太原地記云舜都安邑是也絳州晉獻公遷

都之地

河東道二

堯墟 禹跡鄭元詩譜曰成王封母弟叔虞於堯之故墟皇甫謐帝王世紀曰禹自安邑
太夏 中都春秋地名云晉康中興還手舊都復禹之跡
六名 五尉春秋地名云晉太康地志曰并州書曰中都屬太原郡後魏
五尉 太鹵太原太夏
太夏 中都春秋地名云晉康中興還手舊都復禹之跡
中都 春秋地名云晉康中興還手舊都復禹之跡
萬垣 葦澤春秋後語云張孟談謂趙襄子曰臣聞董安于之在晉陽公宮之垣
葦澤 臣聞董安于之在晉陽公宮之垣
潛丘 渦水爾雅曰晉有潛丘郭璞注云在太原晉陽
渦水 爾雅曰晉有潛丘郭璞注云在太原晉陽
祁墓 介祠後漢書云晉陽有祁奚墓又曰晉
介祠 後漢書云晉陽有祁奚墓又曰晉
涑水 滌山水經注云涑水在桑
滌山 水經注云涑水在桑
涑水 滌山水經注云涑水在桑
滌山 水經注云涑水在桑

名露首山 白亭 虞坂 左傳曰公子重耳取白亭杜

戰國策曰驕驥駕鹽車上虞 玉璧 天井 後魏大統

坂今安邑縣界 以上蒲州 西流入汾水 棗澗 桐

行臺王恩政表築玉壁城今在後山縣 水經注曰乾棗澗水北出石人嶺下南流俗謂扶

鄉水經注曰乾棗澗水北出石人嶺下南流俗謂扶 蘇水注曰漢書武帝將幸緱氏至左邑桐鄉在聞喜縣

界絳州以千畝五城子命之曰仇其弟以條之役生太 生命之曰成師後魏書 襄陵 孤谷 後漢襄陵屬

云晉州領五城郡是也 襄陵 孤谷 後漢襄陵屬 經注曰平河水出晉陽縣西帝 漳川 冀浸 周禮曰

川曰漳鄭元注云出長安 漳川 冀浸 周禮曰 高平赤壤其地阻險百姓不居後魏 舜澤 晉山

輿圖曰舜澤在壺關縣東以上潞州 舜澤 晉山 墨子曰舜澤在壺關縣東以上潞州 舜澤 晉山

午臺 左傳曰齊侯伐晉入孟門登太行 水經 石

室 鐵騎 後魏輿圖風上記曰太原郡山有石室方丈

上草木變為鐵騎形 青谷 黃巖 水經注曰清河源

山谷西黃岡下以水出遼 漚澤 汾關 呂氏春秋

名也介休之西南注曰鶴雀津汾關 八門 六壁 國春

秋云劉元海遣將攻西河城築營自固有八門城高九

尺名後魏書曰太武帝討胡賊於六壁城有六門因以

為名 紫川 黃谷 縣東紫谷也黃檀水出隰川

縣東北隰州 夏屋 僊都 史記曰趙襄子北登夏

屋山名水經注曰晉永嘉中雁門百姓避亂入五臺

是山為僊都之先驅因而不返尋訪莫知所在俗人以

州郡 三會 九原 潯水經注曰三會水東流

州郡 三會 九原 潯水經注曰三會水東流

州郡 三會 九原 潯水經注曰三會水東流

州郡 三會 九原 潯水經注曰三會水東流

曰三會水出九原縣靈丘聖阜後魏書曰天平二

西其山經九原城八縣水經注曰淳沱水東流聖

容縣城領靈丘等八縣石上有手跡西又有二脚跡

阜北阜下有水泉側置築時方就板幹夜自移西南五

州上所葦州梅嶺十三州記曰代郡故城盧植說

十里大澤中自設結葦為九門於是就為城周旋七

有梅案在飛狐縣界周禮曰萊水鄭元注萊水出

嶺焉萊水筭山廣昌曰萊水鄭元注萊水出

夫人襄子殺代王遂與兵平代地其姊聞之泣而呼天

磨筭自殺代人憐之號所死山為磨筭山今案在飛狐

縣界以如渾水純真山方水經注曰如渾水山夏

積雪鳥雀死熒臺火井又曰火山似火從地中出

者一日千數壺山風穴漢書曰壺口山在北屋東南

有火并壺山風穴漢書曰壺口山在北屋東南

以上嵐州其山有穴如輪風水經注曰北屋縣故城西

十里有嵐山其山有穴如輪風水經注曰北屋縣故城西

氣蕭瑟常不正以上朔州風水經注曰北屋縣故城西

河北道一

原案河北道者即禹貢冀州之域舜置十二州分冀州

為幽州并州分青州為營州而幽冀營等三州及兗州

之北界今並為河北道南距河東至海北盡幽營悉其

地河北本殷之舊都州在衛周滅殷分其甸內為三國邶

鄘衛是也至衛懿公為狄所滅其地屬晉趙韓魏三家

分晉兩懷屬魏漢書地理志云魏分晉自衛相洛趙貝

冀北盡恒山東至海其地屬趙幽平已北東至海屬燕

州部

州部

河北道

西河國惠帝夫昭於劉元海至石勒時置水石郡後魏
改為新石郡十六國春秋云離石單于所徙之庭
石州

汝州邯鄲為趙國史記趙敬侯所都相州為鄴魏武帝後趙石季龍前燕慕容儁自薊徙北齊文宣帝並都之幽州曰燕慕容就都之

河北道二

原分晉 接燕 漢書曰趙分晉有信都鉅鹿清河 南

宮 北部 漢書曰南宮縣屬信都國許慎說文曰冀

一臺 九殿 陸翹鄴中記曰魏武於鄴城西立三

井臺 又曰石季龍自襄國至鄴二百里輒立一宮宮

有一夫人侍婢數十凡季龍所起內外大小殿九臺觀

行宮四 紫陌 赤橋 軹縣 苑鄉 魏取軹縣水經

鄴城東七里相州有赤橋 軹縣 苑鄉 魏取軹縣水經

注曰丹水經 平津 陸阜 首陽秋曰造河橋於富平

東南合注於吳陂 以上懷州 商墟 虞險 史記曰

蘇嶺 錫盆 處也 又曰錫門山一名蘇嶺孫登所隱

西北三十里 屬以盆其味 鷄澤 狗山 左傳襄公

如禮因以為名 以上衛州 水經 塘泉 研冢

會單頃公及諸侯同盟於鷄澤 洛水 城東水積於大澤

水經曰洛水東北流經廣平縣故城亦謂之黃塘泉

之中為泉南城北十里西二十里亦謂之黃塘泉

家如研子記曰邯鄲城西十里子岡上有 斥丘 平

邑 續漢書曰斥丘縣屬魏郡 以上洛州 沙鹿 石

臺 左傳云八年趙盾平邑今在昌樂縣東北 沙鹿 石

州 鄴 水經注曰武陽縣城有一石臺大城門外又有

河北道

河北道

河北道

河北道

河北道

河北道

故臺號曰武陽
亭臺以上魏州
蓼水 蘇亭 水經注曰蓼水出襄國有蘇人

邢州以上
百巖 千步 水經注曰龍岡縣西北有百巖山
柏亭 槐水 按柏暢亭故城在房于縣西今

又曰槐水出黃石
石柱 珪碑 水經注曰平房城南
善陸

清河 漢書曰鄒縣漢清河郡王莽曰善陸
甘泉 漢書曰東陽縣屬清河郡王莽曰善陸

重丘 浮水 南左傳曰水經注云浮水出聊城東
堂邑 靈城 漢高祖封陳嬰為堂邑侯

胥國 宛鄉 漢武帝封河間獻王子讓為胥侯
靈城 漢高祖封陳嬰為堂邑侯

今在臨
城縣界 千童 百薄 應劭注漢書曰千童縣靈帝改
經富平故城北城分為二水南水為長聚溝東
注海北水為百薄溝東北注海為長聚溝東

龍額縣 狀如馬頰 漢平原郡龍額縣
曼倩祠 魏志曰平原縣有東方朔祠

興亭 漢武帝封中山靖王子末央為新館侯
柏國 漢書曰武帝封中山靖王子末央為新館侯

侯國故城今清苑縣東南又曰武帝時趙敬肅王子然吉
北有僊人巖 以上瀛州 僊巖 天井 晉太康地記

曰派水歷天井澤雨 馬觀 鴻關 水經注曰黑山
山俗謂是處為戲頭即晉書所謂鴻上關也

州郡部
輪井 核山 騰不測 又曰派水北流經大核山

州郡部

河北道

夫城 女廟 晉太康地記云行唐縣北二十里有如夫

廟前碑云趙武靈王營斯邑城彌載不立 寧臺 戰國

聖女發歎百堵皆與不日而就 以上恒州 寧臺 戰國

歷室 策曰樂毅與燕惠王書曰大呂陳于元英故鼎反

於歷室並 仲理金 伯雍壁 神僕傳曰仲理居元終

千斤以救百姓 伯雍種蓬生白璧其地可一頃名

人就飲以石遺之 伯雍種蓬生白璧其地可一頃名

曰玉田 桑谷 芻谿 水經注曰三城水經注曰

蓋沿出桑谿故也 又鮑丘 三城 七渡 鮑丘水注曰

水東南流龍谿水注之 又鮑丘 三城 七渡 鮑丘水注曰

流合三城水 又曰水經漁陽 阪泉 轡野 軒轅及

故城南合七渡水 以上檀州 蚩尤逐二帝爭涿鹿之

炎帝戰於阪泉之野 周書曰蚩尤逐二帝爭涿鹿之

野赤帝大懼乃說黃帝執蚩尤殺之於中冀名曰絕轡

野 覆釜 裂溝 有歷山形似覆釜因以為名 水經

注曰傳言昔時地裂遂成溝壑有水俗謂之 劍石

分家水今懷戎縣東北有地裂 以上嬌州 劍石

刀巖 水經注曰徐州東北有地裂 以上嬌州 劍石

立直上 窮魚丘 巨馬水 竹書曰晉荀瑶伐中山窮

干霄 素河 黃洛 水經注曰素河水出今皮縣

即漆水 元水 藍山 魏輿圖風土記曰肥如縣元谿九里

有蓋山 長谷 平川 亂而跋驚外弘莽之長谷陵

川水出西北平川 狼河 龍苑 魏氏土地記曰狼河

十六國春秋云慕容熙光始三年 附黃龍城東北下

築龍騰苑起景雲臺 以上營州

隴右道一

按隴右道者禹貢為雍州之域 雍州自岐隴已北為

關內道自隴而南并

隴右道

州郡部

卷三十一

隴右道

崖 鹿塞 州仇池記曰武興城下有鶯子崖十三

觀 鳥城 請取天龜觀壞以前涼張元靚時右將軍宋熙

秋 王隱晉書曰蘭池縣屬隴西郡如雷 柳谷 蘭池 漢魏春

武 蘇有臨澤亭於合黎 十三州記曰昭 狄道 臨澤 尚

後 魏大和中第置夷城鎮防羌要路 記曰臨洮郡城

漆 水 金泉 其水有脂挹取若著器中正黑如不凝膏

應 然之極明但不可食此方人謂之石漆 酒泉 肥

水 延壽縣南有山泉其水有脂挹取若著器中正黑如不凝膏

鷄 谷 龍城 水經注曰湟水出塞外經藍池北又東南

經 龍城 西有甲禾海 卑禾海 城西北下 白土川 水出白土

夷 縣屬 龍堆 魚澤 白龍堆 漢書曰使貳師將軍出

穀 縣屬 龍堆 魚澤 白龍堆 漢書曰使貳師將軍出

丹 山 以沙州 天山 帝江 漢書曰使貳師將軍出

膏 腴 田沃衍 近西漢書曰順帝時以伊吾舊膏腴地

人 良田 水草沃衍 以上伊州 車師國 田地 縣書

曰 晉咸和二國居交河郡立田地輿志 交河城 高昌

壁 漢書曰高昌壁故屬燉煌有長谷在東都尉居之 十三州志

州 西 州 隴右道

隴右道三

原歌後魏温子昇京州樂歌曰遠遊武威郡遙望姑臧城車馬相交錯歌吹日縱橫又歌曰路出玉門關城接龍城坂但事絃歌樂誰道山川遠

山南道一

原案山南道者禹貢荆梁二州之域也今案荆州之南界屬江南道東為劔南道其北垂又入隴右道北距荆華二山之陽絕漢水而南至江西距劔閣盡其地也荆州楚文王始都之江陵記曰楚文王始自丹陽徙都於郢今州北城南是也褒州古褒國也是為媯墟案水經注曰漢水東經媯墟在金牛縣界皇浦謚國都城記曰褒國故城在縣東二百步

襄州禹貢荆豫二州之界鄧州後漢之南都也先武起焉

山南道二

原南荆西楚周禮曰正南曰荆州史記曰自淮北沛陳汝南郡為西楚雲澤春秋文耀鉤曰大別以東南南郡為西楚景洲春秋文耀鉤曰大別以東南南郡為西楚南峴吳志曰魏將夏侯尚圍北津荆州記曰襄陽本楚之下習池習鑿葛井襄陽厲鄉春邑春邑杜預注曰楚伐徐齊師伐厲以救隨國唐鄉唐鄉左傳曰

山南道

言於楚子曰漢東之國隨為大杜預注曰隨國今義陽
 隨縣是也又曰晉楚戰於郟唐侯為左拒國今義陽
 唐屬楚小國義陽安昌縣東馬水 龍湖 龍居縣
 南有馬水 荆州 記曰沔陽縣 獸牙 狼尾 川 記曰
 東二十里有石壁其文黃赤色有牙齒形 句將山 記曰
 獸牙山有石壁其文黃赤色有牙齒形 句將山 記曰
 曰縣去山四十里別從狼尾灘首北岸曰白鹽峰中黃龍
 黃龍 白帝 灘 水 沿 所 忌 水 經 注 曰 白 帝 山 北 接
 緣馬嶺南 九坂 三谿 險 州 記 曰 寒 山 九 坂 最 為 峭
 南注大江 涪陵 陽關 漢書曰巴郡涪陵縣 復
 於陽關更置墊江縣亦屬 明月峽 縉雲山 華陽國
 巴郡案今州即古巴郡 明月峽 縉雲山 華陽國
 郡江州有明月峽峽首南峰石壁有圓孔形如明月因
 以焉名 縉雲山相傳云黃帝於上合神丹藥故山得
 名焉 龍蹊 牛道 於山下有白霧蒙身遂孕恥

之自縊臨死謂婢曰死後破吾腹婢依其言破得龍子
 一雙遂入漢水女嬃於山頂龍子後數遊母墓前遂成
 蹊徑尾下言此天牛能糞金蜀人信之乃刻石五丁共引
 牛成道今在 讓水 廉川 讓水 龍亭 水 源 出 於 南
 巴嶺山北流廉川今在 駱谷 龍亭 水 源 出 於 南
 南鄭縣界 記曰龍城縣 黃花川 紫柏坂 大散水 西
 流 鄭州 記曰龍城縣 黃花川 紫柏坂 大散水 西
 屬 鄭州 記曰龍城縣 黃花川 紫柏坂 大散水 西
 東入黃花川 華陽國志曰梁泉縣 武關 文邑 記
 曰泰昭王貴楚懷王書曰願與君會武關而約結盟今
 在 洛陽 東 水 經 注 曰 洛 水 東 北 過 文 邑 在 洛 南 縣
 商州 金水 錫城 漢水 郡 魏 改 之 梁 州 記 曰 洵
 後魏華陽城二郡為忠城 虞舜祠 漢高廟 水 經 曰
 郡領華陽城二郡為忠城 虞舜祠 漢高廟 水 經 曰
 西城縣南 山下有漢高帝廟 以上金州 梅谿 棘
 州 縣 南 山 下 有 漢 高 帝 廟 以 上 金 州 梅 谿 棘

水南雍州記曰南陽縣七里有梅谿五壟六門

周地圖記曰五壟山有五梁漢延相聚六門

龍井南荆州記曰漢水又東為龍潭下臨龍井者三縣

州上均景山粉水多山經曰水經注曰粉水導東流

粉縣雁塞狼山荆州圖副記曰夷水導源狼山雁塞也

州房鳴水泉街後魏書曰水經注曰武都鳴水出河池

東南入沮縣金谿銅水北有金銅谿出金因以

為名益州記曰葛萌縣南十里有銅梁石戶

蜀都賦曰外負銅梁宕渠益州記曰龍盤山南有石

長三丈高五丈當中有戶及扉若人掩閉古老以為

玉女房以上合州

劔南道一

原劔南道者圖經曰禹貢梁州之域也自劔閣而南分

為益州是為劔南道屬山南隴右二道其始王則有

蠶叢杜宇後其地屬秦前漢末公孫述居之後漢末劉

備居之

原蠶叢杜宇並見石鏡銅梁蜀王妃卒葬以石

下詳山南道銀水金山華陽國志曰涪陵有扇山

曰金山東臨澗水光飛梁絕澗亮相蜀鑿石架空

為飛梁閣道即古劔閣道也絕澗記曰姜維抗南

鍾會故壘其峭壁千丈下臨絕澗以上劔州

州郡部

池 西水 益州記曰南池在閬中縣東南八里又

鄴道 射洪 漢蜀志曰姜維等聞諸葛瞻破乃引軍由廣

東南至射洪今在射洪縣 龍鶴山 魚蛇水 華陽國志曰

洪縣界有龍鶴山 益州記曰魚蛇水東 隅山 陵

北自陵州界入青神縣界 以上省州 井 益州記曰

又益州記曰益州去陵井一里 以上陵州 金堂水

銅宮山 益州志曰新都縣有金堂山 水通於巴漢

衆峰 以 昆井 郵谿 益州記曰南充縣西南六十

神在相如縣東北 下步有雞 錦山 綿水 華陽國

郵谿因此而為名 以上果州 錦山 綿水 華陽國

江北有綾錦山 謂之綿口 以上瀘州 邛水 鄧

縣方山下入江 謂之綿口 以上瀘州 邛水 鄧

山 文海經曰峽山邛水出焉 其陽多黃金 漢書云

溫穴 曲池 華陽國志曰溫水穴冬夏常熱 應劭注

也 伏屏灘 騰龍水 益州記曰伏屏灘東南六

上雋州 又曰龍騰谿水 源出南谿縣 以上戎州

淮南道一

原 淮南道者在禹貢為揚州之域 又得荊州之東界 案今

揚州之東偏為江南 自淮以南略江而西盡其地也 今

揚州漢廣陵郡更名江都 吳王濞居之 廣陵厲王江都

易王並居之 廬州古廬子國 烈王都之 南巢之地 尚

築於南巢 壽州楚考烈王都之

淮南道二

州部部

州部部

淮南道

南充 東陽 釣臺 輿浦 射陂 豐
郡楚漢之祭 東陽 釣臺 輿浦 射陂 豐
為東陽郡 釣臺 輿浦 射陂 豐
一 朝清徹太守 范邈表以為瑞 浦 射陂 豐
鹽瀆 與貧人 廣陵 鹽瀆 屬臨淮郡 射陂 豐
浦 苞湖 水經注曰 次得 陰塘 水同 皇 豐
接苞湖 西 橫津 洞浦 天志曰 孫 經 略 湖 豐
翼潭 築擊破之 魏志曰 劉 孫 經 略 湖 豐
橫津 築擊破之 魏志曰 劉 孫 經 略 湖 豐
鄴道 元注 水經曰 魏志曰 劉 孫 經 略 湖 豐
禹聚 秦墟 帝 有 禹 聚 曰 禹 會 塗 山 揚 州 之 域 當 塗
下注 鵲甫亭 馬丘聚 廬國 舒城 廬子國
塗有馬丘聚 徐鳳 廬國 舒城 廬子國
於此 以上濠州 廬國 舒城 廬子國

又曰 廬江大 桐鄉 巢邑 廉書曰 朱邑為 桐鄉 齋夫
縣東有舒城 桐鄉 愛我必葬我於 桐鄉 齋夫
子曰 桐鄉 愛我必葬我於 桐鄉 齋夫
為疆 城巢輿地志曰 楚名曰 巢邑 以上廬州 趙屯
城 周瑜廟 又曰 江注曰 破虜磯 東有 趙屯 廟 倉
上舒 鑊里 鼓川 吳志曰 吳使 孫 綝 大 發 卒 屯 鑊 里
州 洞臺 隱室 黃庭 經注曰 吳使 孫 綝 大 發 卒 屯 鑊 里
水 經注曰 羊頭澗 龍泉陂 左合 羊頭澗 肥水
山 有 隱室 石井 公 羊頭澗 龍泉陂 左合 羊頭澗 肥水
受 陽者 視龍泉之 良疇 頃 正 淮 論 曰 彼 翻車 積
布 史 經注曰 九江 王 英 布 於 翻車 水 北 壽 州 翻車 積
黃石 青林 水經注曰 黃石 之 磯 岸 有 黃石 山 積 車 積
口 水 積 為 湖 謂 之 青 蔘 縣 蔘 城 左 傳 曰 楚 公 子 變
州 郡 部 以上 蔘 州 蔘 縣 蔘 城 左 傳 曰 楚 公 子 變

州郡部 以上蔘州 蔘縣 蔘城

淮南道

三

豐有蓼縣又曰蔣郡茅胙祭周公之肩弦子都

也柱預注曰弋陽期思縣蔣鄉城是也

虞丘郭左傳曰楚人伐弦子都也水經注曰弋陽郡東有虞丘郭

廟有伍子胥石城天井水經注曰弋陽郡東有虞丘郭

南十五步對門有九塞三關大汾冥何謂九塞

豪阪井陘今義陽有居庸也齊志曰後魏置平靖關

於義陽故云義陽有三關之塞此其一焉

楚邑新城漢水記曰自漢口入二百里得涓口有

龍安陸縣東有新城桓温征石季龜頭山龍驤水

水經注曰舉水出龜頭山安州沌陽鎮象山城水經

又曰嘉六年王敦以陶侃為荊州鎮於沌陽輿地志

晉永嘉六年王敦以陶侃為荊州鎮於沌陽輿地志

曰臨江數十里象山上有城吳江夏太守所居也

江南道一

原按江南道者即禹貢揚州之域又得荊州之南界

自嶺而南為嶺南道北距江東際海南至嶺盡其地也

蘇州為吳泰伯之墟地理志曰吳泰伯卒仲雍立傳

國至曾孫周章武王克殷因而封之也越州為越夏

少康封少子無餘以奉禹祠地理志曰越地牽潤州

春秋之朱方江寧縣楚之金陵邑也吳晉宋齊梁陳六

代都之

江南道二

原東府西州山謙之丹陽記曰東府城地則晉簡文

為會稽王時第東則丞相會稽王道子

江南道

州部

州部

府道子領揚州故俗稱東府又曰揚州之西州也孫陵蔣
廟臺當孫陵曲街之旁故蔣陵亭亦名孫陵也與地志曰
蔣子文為孫陵尉常自言已將死當為神後為賊所殺
故吏忽見子文乘白馬如平生孫權發使封子文而為
都中侯立廟鍾山因改曰鍾山
為蔣山志曰上潤州
屬清輿地志曰岸張兩翼潮上即沒潮落即出魚隨潮礙
以繩編之向岸張兩翼潮上即沒潮落即出魚隨潮礙
竹不得去名之曰扁又曰海濱廣斥
鹽田吳都記曰松江
元中記曰吳西具區澤中有包山有洞庭室戰國策
曰越王散卒三千擒夫差於于隧吳縣西北有地名于
隧是也
衡字通用吳興記曰長瀆於橫山注曰在烏程南橫古
口出東濱大谿西帶長瀆
衡南曰上若北曰下若並有村村人取若下水以釀酒
醇美勝雲陽吳興記曰風渚南三十里曰喞中喞酒

山也 以 西部 東安 漢書曰錢塘西部都尉居之
稽之要地置東安郡居富春
郡之孫權時獲一大龜持獻吳王夜宿越里繫船於大桑
曰孫權時獲一大龜持獻吳王夜宿越里繫船於大桑
樹然盡南方之柴不能潰我龜曰行不擇日今方見烹
為業有二年之計鍾乞瓜曰此山下善可作豕當為定
墓鍾隨山下孫賢所葬地人悉化上杭州
飛入空中即孫賢所葬地人悉化上杭州
承土記曰山多縱石而有大橫湖以
承土記曰山多縱石而有大橫湖以
賴穴周處志怪云義興有白額獸豁者長橋下有白獺若
將舊言有獅出穴口四望而
山積石臨江生蕭管竹俗呼為鼓吹山江寧謂之慈姥
山在當塗縣北宣城記曰登蓋山百步有泉昔有舒
氏女與父析薪於此山忽坐泉處牽挽不動
父遠告家比來惟見清泉湛然因名舒姑泉
州部部 淵鑑廣函卷三百三十五 江南道

牛渚 江記曰江中有鬻洲長三里與蕪湖洲相接

山石蓋 郭璞注曰歙縣靈山甚高峻有圓石高數丈上

蓋有石 二礫 三姑 輿地志曰黟縣南有五尺許水

甚懸迅 礫音歷 根反 又曰黟縣東有靈山有

三峰名爲三姑山 三年一遇 野火自燒 百姓放火 輒降

雨不然 歙州 賀齊城 嚴陵瀨 擊黟歙山 賊定新 立都

郡輿地志曰郡城賀齊所創也 嚴陵瀨 擊黟歙山 賊定新 立都

子陵耕於富春後人名其釣處爲嚴陵瀨 擊黟歙山 賊定新 立都

銅釜 石甌 吳時軍士五百人破湖得銅釜

記曰崑崙山頂有一孤石可高三丈 蓮鑊 梅池

鄱陽記曰弋陽嶺上多密巖 宋元嘉中有入見其巖內

二鐵鑊 鑊各容百斛 中生蓮華 他日往尋不知所在

宋永初山川記曰 夫岡 子石 鄱陽記曰鄱陽西有

廣陵縣東有梅池 夫岡 子石 鄱陽記曰鄱陽西有

與梅氏爲姙未成而妖魅詐迎婦去 明詣卜者決云西

北行五十里求之 明如言見一大穴深邃無底以繩懸

入致得其婦乃自誓執志登此岡首而望其夫因以名焉

又曰九子石在弋陽水左岸 岡相 石帆 玉笥 會稽

去數十里 石帆壁立 臨水漫石 宜山 遙望 鏡水 銅

射的北有石帆 壁立 臨水漫石 宜山 遙望 鏡水 銅

范苑有似張帆 又名玉笥山 又曰石笥山 鏡水 銅

谷輿地志曰山陰南湖 紫帶 郊郭 白水 翠巖 互相映發

銅輿地志曰昔歐冶子濶若耶之谿 上州 丹洞 赤城

會稽志曰昔歐冶子濶若耶之谿 上州 丹洞 赤城

銅輿地志曰昔歐冶子濶若耶之谿 上州 丹洞 赤城

臨海不死之鄉 許邁與王逸少書曰自天台至 東甌

西隗 漢書曰惠帝立閩君搖爲東海王 都臨 松陽

西隗 漢書曰惠帝立閩君搖爲東海王 都臨 松陽

西隗 漢書曰惠帝立閩君搖爲東海王 都臨 松陽

西隗 漢書曰惠帝立閩君搖爲東海王 都臨 松陽

西隗 漢書曰惠帝立閩君搖爲東海王 都臨 松陽

西隗 漢書曰惠帝立閩君搖爲東海王 都臨 松陽

孫陵曲衍江寧之邑楚曰金陵吳晉梁宋六代都興

嶺南道一

原案敘嶺南道者禹貢揚州之南境其地皆粵之分

志云今蒼梧蔚林合浦交趾九真日本南海皆粵分

海郡秦末南海尉趙佗王有其地

嶺南道二

原蒲澗 蘭湖 南越志曰熙安縣東北有葛蒲澗咸安

安期先生所餌可以忘老 又 貪泉 湏水 書曰舊

泉往廣州飲貪泉失廉潔之性吳隱之為刺史自酌貪

泉隱之題石門為詩曰石門有貪泉一飲懷千金試使

樓船將軍楊僕出豫章下湏水 二山 八桂 南越志

縣有番禺二山因以為名 上海經曰 潮穴 泉山

桂州記曰其巖西通淮水其穴若井或枯涸彌年或一

日十盈十竭若潮水焉 又曰泉山有峭壁高竦連阜

飛流石泉懸注瀑布 錢石 玉山 東有錢石山其狀

四方若臺榭其南有石三而壁峭其上有錢石山其狀

云昔有人曰曲江縣東有玉山其高可百餘仞其狀若

采玉處 石臺 銀甕 方而高可百餘仞其狀若

銀餅有林水之源出盤石山羅列十甕皆蓋以青盆中悉

韶州以上龍川 牛嶺 越書曰龍川縣屬南海郡南

嶺山左據龍尾 文貝 錦蛇 南越志曰潮陽南有帶牛

多文貝可以解毒 輿地志曰龍溪謂之盤龍蛇青黑

色赤帶錦文隨瀆漢水而入於海有美官謝端曾於海上得

素女 青牛 一發蒙記曰侯官謝端曾於海上得

州郡部 嶺南道 嶺南道

州郡部 嶺南道 嶺南道

州郡部 嶺南道 嶺南道

嶺嘗在山中聚結羣黨攻掠郡縣著金

箱盛曰咸驩縣屬九真郡以上晉太康地

漢書曰咸驩縣屬九真郡以上晉太康地

交廣二州沃屬九真郡以上晉太康地

守徐聞縣遥撫之漢書曰武帝立珠崖郡皆巢居南方

大徐聞縣遥撫之漢書曰武帝立珠崖郡皆巢居南方

徒以音巖巢居推紛崖傳曰男女皆推紛或被髮

儋耳其類儋耳鏤頰越以爲儋耳郡元鼎六年定

狀似鷄陽繫下連耳以分爲數支儋耳郡張晏注曰

曰海中名有文鼈狀如鳥頭尾似磬而生玉

光水犀角越志曰平定縣巨海有水屏似牛其出入有

淵鑑類函卷三百三十五

